



醫書六種

蘭台軌範

七

中武 3
170
7



門中武
第 170
卷 7



序

欲治病者必先識病之名能識病名而後求其病之所由
生知其所由生又當辨其生之因各不同而病狀所由異
然後考其治之之法一病必有主方一方必有主藥或病
名同而病因異或病因同而病症異則又各有主方各有
主藥千變萬化之中實有一定不移之法即或有加減出
入而紀律井然先聖後聖其揆一也自南陽夫子以後此
道漸微六朝以降傳書絕少迨唐人外臺千金不過彙集
古方未能原本內經精通病變然病名尚能確指藥味猶



足立
藏書
印

三九

多精切自宋以還無非陰陽氣血寒熱補瀉諸膚廓籠統之談其一病之主方主藥茫然不曉亦間有分門立類先述病原後講治法其議論則襍亂無統其方藥則浮泛不經已如雲中望月霧裏看花仿佛想象而已至於近世則惟記通治之方數首藥名數十種以治萬病全不知病之各有定名方之各有法度藥之各有專能中無定見隨心所憶姑且一試動輒誤人余深憫焉茲書之所由作也本內經以探其源次難經及金匱傷寒論以求其治其有未備者則取六朝唐人之方以廣其法自宋以後諸家及諸

單方異訣擇其義有可推試多獲效者附焉庶幾古聖治病之法尚可復覩使學者有所持循不至傍徨無措至於推求原本仍當取內經金匱等全書潛心體認而後世之書亦當窮其流派掇其精華摘其繆誤而後此書之精意自能融會貫通而心有實獲則變化在我矣

乾隆二十九年四月涇溪徐靈胎書於吳山之半松書屋

卷之三
凡例
一每病先叙病原首內經次金匱傷寒次病源千金外臺
宋以後亦間有採者前人已言之論則後者不錄若一
病之中爲病不一則卽詳著於總名之下不復另立病
名方之次第亦然
一一病必有一方專治者名曰主方而一病又有幾種每
種亦各有主方此先聖相傳之法莫之能易也俱載本
病之下其有此病之主方而他病亦可用者則他病下
祇載方名并治法註云見某病門以便翻閱

凡例

一每病先叙病原首內經次金匱傷寒次病源千金外臺
宋以後亦間有採者前人已言之論則後者不錄若一
病之中爲病不一則卽詳著於總名之下不復另立病
名方之次第亦然
一一病必有一方專治者名曰主方而一病又有幾種每
種亦各有主方此先聖相傳之法莫之能易也俱載本
病之下其有此病之主方而他病亦可用者則他病下
祇載方名并治法註云見某病門以便翻閱

一專治一病爲主方如一方面所治之病甚多者則爲通治之方先立通治方一卷以俟隨症揀用變而通之全在乎人服食養生皆在其中矣

一金匱諸方非南陽所自造乃上古聖人相傳之方所謂經方是也此乃羣方之祖神妙淵微不可思議分載於各症之下學者當精思熟識以爲準的

一傷寒一科宜將傷寒論諸條字字體認其一百十三方亦當字字參悟余已將一百十三方編成類方一書矣此書無病不載豈可獨遺傷寒故畧取六經主病之方

隨症分錄其外諸方兼治雜病者俱分載各症條下蓋傷寒諸方當時本不專治傷寒南陽取以治傷寒之變症耳學者當合金匱傷寒兩書相參並觀乃能深通其義而所投輒效矣

一後世諸方其精實切病者皆附于古方之後其有將古方增減一二味卽另立方名者殊屬僭妄蓋加減之法稍知醫理者皆能之若易一二味卽自名一方則方名不可勝窮矣今一概不錄或有雜藥竒法據稱得之秘傳而其理不可解則有效有害皆未可知一概不錄或

方中有難得之藥及無人能識之藥并違禁之藥如胎骨之類一概不錄其有飛鍊禁咒等方既乏師承又屬渺茫一概不錄至于大藥重劑藥品既多修治艱鉅此乃服食之大藥非救病之急劑學者平時查考以廣見聞可也一概不錄學務窮經志切師古不尚奇功祇求實效此書之志如是而已

一凡事最忌耳食孔子所謂道聽而塗說也如治浮火者當引火歸元乃指腎臟虛寒火不能納非治實火及別臟之火也如類中風用地黃引子乃治少陰純虛之痹

症非治風火痰厥之中風也如暑天用大順散乃治夏日貪冷中寒之症非治暑熱正病也如大便不通用蘆薈丸乃治廣腸堅結諸藥不效之病非治津枯液燥之病也虛勞用建中湯乃治陽虛脈遲之症非治陰虛火旺之症也近人耳聞有此數方並不細審病因惘然施用受禍必烈集中俱為標出此外不止一端學者所當痛省

一通天地人之謂儒百家藝術皆士大夫所宜究心况疾病乃身命所關豈可輕以誘人此集溯本窮流簡剖明

備人人易曉病者醫者對症尋方互相考証則是非立
辨不致以性命輕擲未始非衛生之一助云

總目

卷一

通治方

卷二

風

中

卷三

傷寒

癰閉利淋

痺歷節

痿痺

虛勞

消症

附強

百感冒

寒熱

霍亂

附筋

瘧

卷四

濕

渴

痰癧

痢

癩狂癩

痰飲

咳嗽附肺疝

卷五

喘

臑脹水腫

肺痿

諸血

噎膈嘔吐

附關泄瀉

卷六

積聚癥痞

蟲附狐諸痛

頭心胃脚氣

附轉

卷七

疫癘鬼疰

諸疽

附黃

情志卧夢

五竅病

耳目

齒雜病

卷八

婦人

小兒

羊腎丸 羊肉粥方 三才丸 天王補心丹

秘方補心丸 黑地黃丸 元精丹 青

州白丸 指迷茯苓丸 威喜丸 靈砂

二神丸 導赤散 亡血脫血方 當歸補血

湯 益血潤腸丸 芎歸膠艾湯 四物湯

八珍湯 十全大補湯 人參養榮湯 柴

胡四物湯 兔絲子丸 菴蓎兔絲子丸 餌

木方 服牛乳方 生地黃煎 阿伽陀藥

玉屏風散 盜汗方 止汗紅粉 當歸六

黃湯 麥門冬湯 二賢散 逍遙散 平

胃散 五苓散 二陳湯 枳木丸 瀉黃

散 保和丸 加減思食丸 越鞠湯丸

四磨飲 妙香丸 藿香正氣散 天水散

二氣丹 瀉白散 三黃湯 涼膈散

四物二連湯 左金丸 龍胆瀉肝湯 甘露

飲 清心蓮子飲 瀉熱梔子煎 大順散

十精丸 成鍊鍾乳粉 玉霜圓 礞石滾

痰丸 黑錫丹 龍腦雞蘓丸 至寶丹

蘭臺軌範卷一
蘇合香丸
瓊玉膏
大活絡丹
紫雪
解毒萬病丹

蘭臺軌範卷一

吳江徐靈胎洄溪著

男 熾鼎和校

通治方

雖云通治亦當細切病情不得籠統施用也

小建中湯 金匱 虛勞裏急悸衄腹中痛夢失精四肢痠疼
手足煩熱咽乾口燥此湯主之

桂枝 三兩 去皮

甘草 三兩 炙

大棗 十二枚

芍藥 六兩

生薑 三兩

膠

飴 一升

右六味以水七升煮取三升去滓內膠飴更上微火消
解溫服一升日三服 此方治陰寒陽衰之虛勞正與陰虛火旺之病相反庸醫誤用害人

甚多 此咽乾口燥 乃津液少非有火也

黃芪建中湯 金匱 虛勞裏急諸不足者主之

於小建中湯內加黃芪一兩半餘依前法

大建中湯 治內虛裏急少氣手足厥冷小腹攣急或

腹滿弦急不能食起即微汗陰縮或腹中寒痛不堪口

乾精出或手足乍寒乍熱而煩冤酸痛不能久立

黃芪 當歸 桂心 芍藥 人參 甘

草 各一錢 半夏 炮 黑附子 炮各二錢半

右藥每服五錢加薑三片棗二枚煎服 此非金匱大建中湯金匱方入

腹痛門 桂枝去皮即桂心非近時所用之肉桂心也 此方兼治下焦虛寒之症不但建立中宮

炙甘草湯 傷寒論一各復脈湯 治虛勞不足汗出而悶脈結悸行動

如常不出百日危急者十一日死

甘草 四兩 桂枝 生薑 各三兩 麥門冬 半斤 麻仁 半斤

阿膠 人參 各二兩 大棗 三十枚 生地黃 一斤

右九味以酒七升水八升先煮八味取三升去滓內膠

消盡溫服一升日三服 此治血脈空竭方用酒所以和血脈凡脈見結悸者雖行動

如常亦不出百日必死若復危急不能行動則過十日必死語極明白從前解者多誤

八味地黃丸 崔氏 虛勞腰痛少腹拘急小便不利者主之

又婦人病飲食如故煩熱不得臥而反倚息者此名轉胞不得溺也以胞系了戾故致病但利小便則愈此亦主之

乾地黄 八兩九蒸為度搗膏 乾山藥 山萸肉 各四兩 丹皮

白茯苓 澤瀉 各三兩 桂枝 附子 各一兩

右八味為末煉蜜丸如桐子大酒下十五丸日再服此亦治脚氣乃驅邪水以益正水之法也此方專利小便水去而陰不傷扶陽而火不升製方之妙固非一端但近人以此一方治天下之病則又大失此方之義矣

資生腎氣丸 治肺腎虛腰重脚輕小便不利或肚腹

腫脹四肢浮腫或喘急痰盛已成蠱症

於前八味丸加車前子牛膝各一兩餘依前法

六味地黄丸 錢氏 治腎陰不足發熱作渴小便淋閉氣壅

痰嗽頭目眩暈眼花耳聾咽乾舌痛齒牙不固腰腿痠

軟自汗盜汗便血諸血失音水泛為痰血虛發熱等症

於前方去肉桂附子餘依前法 此方錢氏專治小兒

當歸生薑羊肉湯 金匱 治產後腹中疝痛并治腹中寒疝

虛勞不足

當歸 三兩 生薑 五兩 羊肉 一斤

右以水八升煮取三升温服七合日三服若寒多者加
生薑成一斤痛多而嘔者加陳皮二兩白朮一兩如加
生薑等者亦加水五升煮取三升二合服之精不足者
補之以味

此方
是也

竹葉石膏湯

傷寒論

治傷寒解後虛羸少氣氣逆欲吐者

竹葉

二把

石膏

一斤

半夏

半斤

人參

三兩

甘草

二兩

麥

門冬

一升

粳米

半升

右七味以水一斗煮取六升去滓內粳米煮米熟湯成
去米温服一升日三服集驗載此方加生薑治嘔最良
此治三陽餘熱未盡凡大

病之後必有留熱總宜清解後人俱概用峻
補以留其邪則元氣不能驟復愈虛矣亦治傷暑

發渴脉虛

暑病有虛熱者宜之若吐
逆昏亂之症則大誤矣

脾約丸

金匱即
麻仁丸

治腸胃熱燥大便秘結

麻仁

五兩
另研

大黃

一斤

厚朴

薑炒

枳實

炒

芍藥

炒各
五兩

杏仁

五兩
半

右為末蜜丸梧子大臨睡用白湯送下二十九大便利

即止

此潤腸
之主方

四君子湯

治面色痿白言語輕微四肢無力脉來虛

弱者若內傷虛熱或飲食難化須加炮薑

人參 白朮 茯苓 甘草 各二錢

右加薑棗水煎服 此補脾之方

五味異功散 錢氏 調理脾胃

於四君子湯加陳皮一錢為末每服二錢白湯調服

七味白朮散 治一切吐瀉煩渴霍亂虛損氣弱保養

衰老及治酒積嘔噦

於四君子湯加藿香半兩葛根一兩木香二錢半為末

每服二錢白湯調下

六君子湯 治氣虛有痰脾虛臃脹

即前方加陳皮半夏餘依前法更加藿香砂仁為香砂

六君子湯

獨參湯 治元氣大虛昏厥脈微欲絕及婦人崩產脫

血血暈

人參 分兩隨症

右一味須上揀者濃煎頓服待元氣漸回隨證加減 此時急救之法服後

即當隨症用藥

參附湯 治陰陽血氣暴脫證

人參 一兩 附子 製五錢

右加薑棗水煎服此亦急救之方本方去人參加黃芪名芪附湯

保元湯

黃芪 三錢 人參 二錢 甘草 一錢 肉桂 春夏二三分 秋冬六七分

右四味水煎服氣血虛寒者用之純虛寒之痘症亦用此乃宋以後之方故肉桂止用二三

分以為氣分引藥乃厚桂非桂枝也

生脉飲醫錄治熱傷元氣氣短倦怠口渴出汗

人參 五錢 麥門冬 五錢 五味子 各三錢

右三味水煎服此方傷暑之後存其津液庸醫即以之治暑病誤甚觀方下治症並無一字治

暑邪者此即於復脉湯內取參麥二味以止汗故復加五味子近人不論何病每用此方收住邪氣殺人無

歸脾湯濟生治思慮傷脾或健忘怔忡驚悸盜汗寤而不寐

人參 龍眼肉 黃芪 各二錢 甘草 五分 白朮 二錢

茯苓 二錢 木香 五分 當歸 酸棗仁 炒研 遠志 各一錢

右加薑三片水煎服補脾有二法一補心以生脾血一補腎以壯脾氣此方乃心脾同治

之法補後天以生血即所以調經

補中益氣湯東垣治陰虛內熱頭痛口渴表熱自汗不任

風寒脉洪太心煩不安四肢困倦懶於言語無氣以動動則氣高而喘

黃芪炙 人參 雲木炒各一錢五分 甘草炙一錢 陳皮五分

當歸一錢 升麻 柴胡各五分

右八味加生薑三片大棗二枚水煎温服東垣之方一概以升提中

氣為主如果中氣下陷者最為合度若氣高而喘則非升柴所宜學者不可誤用也

虎潛丸丹溪 治腎陰不足筋骨痠不能步履

龜板 黃柏各四兩 知母 熟地各三兩 牛膝三兩 鎖

陽 虎骨 當歸各一兩 芍藥一兩 陳皮七錢 冬月

加熟薑五錢

右為末煮羯羊肉搗為丸桐子大淡鹽湯下痿症皆屬於熱經有

明文此方最為合度後人以温補治痿則相反矣痿症又有屬痰濕風寒外邪者此方又非所宜

資生丸 治婦人妊娠三月脾虛嘔吐或胎滑不固兼

丈夫調中養胃饑能使飽飽能使饑神妙難述

人參三兩 茯苓二兩 雲木三兩 山藥二兩 薏仁一兩 蓮

肉二兩 芡實一兩 甘草一兩 陳皮 麥蘖 神麩

各二兩 砂仁一兩 白豆蔻八錢 桔梗一兩 藿香一兩 川黃

連四錢 白扁豆 山查各一兩

右十八味為細末煉蜜丸彈子大每服二九米飲下此方治懷孕氣阻用兼消兼補之法意亦可取今人不論何因為總治脾胃之藥則失製方之義矣藥味太襍全無法度姑存之以備一格

龜鹿二僊膠

大補精髓益氣養神

鹿角

血者十斤龜板自敗者五斤

以上二味另熬膏

枸杞子甘

者三人參十五

右用鉛罈如法熬膠初服酒化一錢五分漸加至三錢

空心下

精不足者補之以味而龜鹿又能通督任填補之法此為最穩

三才封髓丹

實鑑

除心火益腎水滋陰養血潤補不燥

夫冬

熟地

人參各五錢

黃柏三兩

砂仁一兩甘

草炙七錢

右為末麵糊丸梧子大每服五十九丸用菹蓉半兩切作

片酒浸一宿次日煎三四沸空心食前送下此補陰氣之方虛人

老人便結者為宜

七寶美髯丹

邵應節

補腎氣烏鬚髮延年益壽

何首烏

赤白雌雄各一片

牛膝

八兩以何首烏先用米泔水浸一日夜以竹刀刮去粗皮切作

大片用黑豆鋪甑中一層却鋪何首烏一層每鋪豆一層却鋪牛膝一層重重相間上鋪豆覆之以豆熟為度去豆晒乾次日如前用生破故紙半斤酒浸洗淨用黑豆蒸如法蒸七次去豆用破故紙芝蔴同炒無聲為度

去芝 當歸 半斤去頭 白茯苓 半斤用人乳拌 赤茯苓 半斤

黑牛乳浸 莢絲子 半斤酒浸一宿洗 枸杞子 半斤去

晒乾蒸 右共為末蜜丸龍眼大每日空心嚼二三丸温酒或米

湯白鹽湯皆可下製法不可犯鐵器 此補腎

無比山藥丸 千金 治丈夫久虛百損五勞七傷頭痛目眩

支厥或煩熱或脾疼腰臑不隨飲食不生肌肉或少食

而脹滿體無光澤陽氣衰絕陰氣不行

熟地 酒浸 赤石脂 巴戟 去心 茯苓 牛膝 酒浸

山茱萸肉 澤瀉 各三兩 乾山藥 二兩 五味子 六兩 肉

菴蓉 酒浸 兔絲子 杜仲 炒各

右藥煉蜜丸桐子大每服二十九至三十九食前温酒

或米飲下服七日後令人身健體潤面光音響為驗此

藥通中入腦鼻必酸疼勿怪 此收攝腎氣之

還少丹 楊氏 大補心腎脾胃虛寒飲食少思發熱盜汗遺

精白濁及真氣虧損肌體羸瘦肢節倦怠等症

山藥 牛膝 遠志 山萸肉 茯苓

五味子 楮實子 巴戟 酒浸 肉菴蓉 酒浸 石菖

蒲 杜仲 薑汁酒 茴香 各一 枸杞子 熟地 各二

通治

右共為細末，煉蜜同棗肉為丸。梧子大，每服三十九，溫酒或鹽湯下，日三服。此交通心腎之方

羊腎丸 治腎勞虛寒，面腫垢黑，腰脊引痛，屈伸不利。

夢寐驚悸，小便不利。

熟地 杜仲 兔絲子另研 石斛 黃芪

續斷 肉桂 牛膝 磁石煨醋 沉香 五

加皮 山藥炒各一兩

右為末，雄羊腎兩對，以葱椒酒煮爛，入少酒糊杵丸。梧子大，每服七十九，空心鹽湯送下。此降納腎氣之方

羊肉粥方養老書 治老人虛損羸瘦，助陽壯筋骨。

羊肉 二斤 黃芪 一兩生用 人參 二兩 白茯苓 一兩 大棗 五枚

粳米 三合加生薑少許尤佳

右先以肉去脂皮，取精脊肉，留四兩，細切，餘一斤十二兩，以水五大盞，并黃芪等煎，取汁三盞，去滓，入米煮粥。臨熟下切生肉，更煮入五味調和，空心服之。此古人服食之方也

三才丸潔古 治脾肺虛咳嗽

人參 天門冬 地黃各等分

右為末，煉蜜丸，空心服。此方與嗽症非宜，必上下純虛而不嗽者可用

天王補心丹

道藏

治心血不足神志不寧津液枯竭健忘

怔忡大便不利口舌生瘡等證

人參 白茯苓 元參 桔梗 遠志 各五錢

當歸 五味子 麥冬 天冬 丹參

酸棗仁 各一兩 生地 四兩 柏子仁 一兩

右為末煉蜜丸如椒目大白湯下 此養心之主方 一方有石菖

蒲四錢無五味子一方有甘草川連

秘方補心丸 治心虛手振

當歸 一兩 川芎 五錢 人粉甘草 各一兩 生地 一兩 遠志 二兩

棗仁 炒 柏子仁 去油各三兩 人參 胆星 硃砂 另

各五錢 金箔 二十片 麝香 一錢 虎珀 三錢 茯苓 七錢 石菖蒲 六錢

右為末餅糊丸菉豆大硃砂為衣每服七八十丸吐津

嚥下或薑湯送下 此心神恍惚而有痰者宜之

黑地黃丸 治陽盛陰衰脾胃不足房室虛損形瘦無

力面多青黃而無常色此補腎益胃之劑也

蒼朮 一斤 熟地 一斤 五味子 半斤 乾薑 煨冬一兩夏五錢春七錢

右為末棗肉丸梧子大食前米飲服百丸治血虛久痔

甚妙 按此治脫血。脾寒之聖藥。乾薑當泡淡炒黑用。

元精丹 北方黑氣入通於腎，開竅於二陰，藏精於腎。

味鹹其類水，其病在骨，此藥主之。

血餘 自己髮及父子一本者，及小壯男女髮，揀去黃白，色者用灰湯洗二三次，以大皂角四兩搥碎煮水。

洗淨務期無油氣為佳，將髮扯斷晒乾，每洗髮一斤用川椒四兩揀去梗，於大鍋內髮一層，椒一層，和勻以中鍋蓋，蓋鹽泥固濟，勿令泄氣，桑柴火慢煮三炷香，即退火待冷，取出約重四兩有餘，於無風處研為細末。

何首烏 製法如前，七寶美髯丹法，取淨末一斤。黑芝蔴 九蒸九晒，取淨末八兩。女真 淨末八兩。

實 四兩。破故紙 炒取淨末四兩。生地 酒浸杵，膏入藥。熟地 同上製，各八兩。旱蓮 膏。槐角 膏。

桑甚 各取淨汁熬。胡桃仁 二兩，研膏。膠棗 二兩，研膏。槐角 膏。

子 入牛胆內，百日四兩。

右以藥末和諸膏和勻，加煉蜜一斤，入石臼杵干餘下，為丸，梧子大，每服六十九，空心用首烏釀酒二三杯送下，日三服。諸品皆色黑之藥，專補腎血，此治便後脫血之神方也。

青州白丸 局方。治一切風及小兒驚風，婦人血風，大人頭風。

南星 三兩。白附子 二兩。半夏 七兩。川烏 牛兩各，生用。

右為細末，放磁器中，日晒夜露，春五夏三，秋七冬十日，以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

以糯米粉煮粥丸，薑湯下。風症溫酒下，驚風薄荷湯下。

此四味宜水研取漿澄粉晒露七日去水作丸
此治風痰之要藥
指迷茯苓丸 治中脘留伏痰飲臂痛難舉手足不得

轉移

茯苓 二兩 半夏 一兩 枳殼 半兩 風化硝 二錢

右為末薑汁和丸桐子大每服三十九薑湯下
按方極和平而

義精效速方內半夏宜生研澄粉用

威喜丸 局方 治飲食積滯重痞脹滿久痢久瘧沉冷積塞

廣木香 肉豆蔻 乾薑 巴豆

炒杏仁 四十粒去皮共研 百草霜 五錢加茯苓亦可

右前四味為末入百草霜同研後入杏仁巴豆霜研黃

蠟一兩五錢酒煮一時去酒將蠟入蒜油七錢溶化拌

藥研勻乘熱丸如菉豆大每服二三十九
用黃蠟之義最精凡治積

新病宜急下久病宜緩下此方治久患寒積之症乃緩下法也

靈砂 局方 治上盛下虛痰涎壅盛最能鎮墜升降陰陽和

五臟助元氣

水銀 一斤 硫黃 四兩

右二味用新鐵銚炒成砂子或有烟焰即以醋洒候研細入水火鼎醋調赤石脂封口鐵線扎縛懸乾鹽泥固

濟用炭二十斤煨如鼎子烈筆醮赤石脂頻抹其處火盡為度經宿取出研為細末糯米糊為丸如麻子大每服三九空心棗湯米飲并花水人參湯任下量病輕重

增至五七丸此鎮墜之藥若用黑錫丹則此方可不備

二神丸本事方治腰痛腎虛全不進食

破故紙四兩炒肉豆蔻二兩生

右為末用大棗四十枚生薑四兩同煎糜爛去薑棗核

皮研膏入藥末丸鹽湯下此治腎家有寒濕之方本方加五味子

吳茱萸各二兩為四神丸

導赤散錢氏治心熱口糜舌瘡小便黃赤莖中作痛熱淋不利

生地 木通 甘草稍各等分

右三味水煎服此瀉心火從小腸中出也

亡血脫血方千金翼治亡血脫血鼻頭白色唇白去血無力者

生地黃 十斤

右一味搗以酒一斗絞取汁令極盡去渣微火煎減半內白蜜五升棗膏一升以攪之勿止令可丸酒服如雞

子一丸日三久服不已老而更少萬病除愈千金又以

此二味加阿膠甘草作煎服亦可用

當歸補血湯寶鑑治男婦血虛似白虎証肌熱面赤煩渴

引飲脉來洪大而虛重按則微

當歸二錢 黃芪一兩

右二味水煎服此補表血之方

益血潤腸丸 治津液亡太腸秘老人虛人皆可服并

祛風養血

熟地六兩 杏仁炒 麻仁各三兩以上 枳殼 當歸

橘紅淨各二兩五錢 阿膠 肉蓯蓉各一兩半 蘇子 荆

芥各一兩

右為末以前三味膏同杵千餘下仍加蜜丸梧子大每

服五六十丸空心白湯下此脾約丸之變法

芎當膠艾湯金匱婦人有漏下者有半產後因續下血不

絕者有妊娠下血者假令妊娠腹中痛為胞阻膠艾湯

主之

芎藭 阿膠 甘草各二兩 艾葉 當歸各三兩

藥四兩 乾地黃六兩

右六味水五升清酒三升合煮取三升去渣內膠令消盡温服一升日三服不差更作

四物湯局方治一切血熱血虛血燥諸証

當歸 熟地 各三錢 川芎 一錢 白芍 二錢

右四味水煎服 此血病之主方

八珍湯 治心肺虛損氣血兩虛

即四君子湯合四物湯餘依上法

十全大補湯局方治男子婦人諸虛不足五勞七傷不進

飲食久病虛損時發潮熱氣攻骨脊拘急疼痛夜夢遺

精面色痿黃脚膝無力

即八珍湯加桂心陳皮

人參養營湯局方治脾肺俱虛發熱惡寒肢體瘦倦食少

作瀉

人參 白朮 茯苓 甘草 黃芪 陳

皮 當歸 各一錢 熟地 七分 白芍 一錢 桂心 一錢 遠志

五分 五味子 七分

右十二味加薑三片大棗二枚 此即十全大補湯去川

芎加五味遠志黃芪以

柴胡四物湯 保命 治日久虛勞微有寒熱脉沉而數

川芎 當歸 白芍 熟地 各一錢五分 柴胡

一錢 人參 黃芪 甘草 半夏 各三錢

右為末水煎服 柴胡加入補藥俱不相合獨此為宜柴胡疎通少陽調和營衛非專于散風也

兔絲子丸 和劑 治腎氣虛損五勞七傷脚膝痠疼面目黧

黑目眩耳鳴心冲氣短時有盜汗小便數滑

兔絲子 鹿茸 酥炙去毛 澤瀉 石龍芮 去土淨再用水洗 桂

枝 附子 各一兩 石斛 熟地 茯苓 牛膝

酒浸焙 山萸肉 續斷 防風 杜仲 肉蓯

蓉 酒浸焙 補骨脂 酒炒 萆澄茄 巴戟 沉香

茴香 炒各七錢五分 五味子 川芎 桑螵蛸 酒浸炒 覆盆

子 各五錢

右為細末酒煮麩糊為丸梧子大每服三十九溫酒下

或鹽湯下 此等方不過陰陽兼補之法泛而無統近時補劑盡如此然能多而不雜尚屬可取

菴蓉兔絲子丸 此方不寒不熱助陰生子

肉蓯蓉 一兩 覆盆子 蛇床子 川芎 當歸

兔絲子 各一兩 白芍 一兩 牡蠣 鹽泥固煨 烏劍魚骨 各

錢 五味子 防風 各六錢 艾葉 三錢 條芩 五錢

右為末煉蜜丸如梧子大每服三四十九鹽湯下早晚皆可服此乃婦人溫經之主方也

餌木方千金

生木削去皮炭火急炙令熟空肚飽食之全無藥氣可以當食不假山糧得飲水神秘之勿傳真於木尤佳此服食之方也

服牛乳方千金能補虛破氣

牛乳三升草撥半兩末之綿裏

右二味于銅器中水三升和乳合煎取三升頓服日三七日除一切氣

生地黄煎外臺主補虛損填骨髓長肌肉去客熱

生地黄汁五升棗膏六合白蜜七合酒一升牛酥四合生

薑汁二合紫蘓子一升以酒一升絞取汁鹿角膠四兩炙末

右煎地黄等六味汁三分減一內蜜調入膠末候煎成以器盛之酒和服

阿伽陀藥千金主諸種病及將息服法久服益人神色無

諸病方此等即所謂海上奇方如紫金錠之類其所治之症皆與本草不相合而確有神驗真不可思議也

紫檀用蘓木亦可小蘗一名山石榴茜草 鬱金 胡椒各五

右爲末水和內臼中更搗一萬杵丸好陰乾用 諸咽
喉口中熱瘡以水煮升麻湯下桐子大一丸旦服之諸
面腫心悶因風起者煮防風湯服一丸諸四體酸疼或
寒或熱麻黃湯一丸諸匾下部有瘡吞一丸又煮艾槐
白皮湯研一丸灌下部諸卒死冷水服二丸諸被壓擣
當心帶一丸又水研一丸三服諸被蛇及惡獸等毒以
麝香如相思子研藥一丸服并以紫檀磨汁和藥塗患
處諸被鬼撓亂失心癲狂艾汁下如無青艾乾艾取汁

亦可并隨身帶一丸諸傳尸水磨雄黃下諸消渴朴硝
湯下諸淋水服二丸諸疔腫元參湯下諸卒胸膈熱苦
竹葉湯下諸難產以菝蔣二七水煮服一丸薑黃亦得
諸熱瘡大黃取汁服又以大黃和藥調塗諸吐血若因
熱吐者服之並差因冷吐者菖蒲汁下諸鼻中血刺薊
汁下并研灌鼻諸噎病栝蘘汁下諸赤白帶下以丹皮
刺薊根各二分煮服 後補法 以地榆桑螵蛸一云桑耳
各二分水二升煮取一升分作二服取汁一合研藥一
二丸服之諸藥毒惡忤研服惡瘡恒山湯下瘟疫時氣

元參湯下諸腫疔濕及心風心驚戰悸多忘恍惚嘔吐
黃疸失音風癩臍下絞痛霍亂吐痢小兒驚啼產後血
結並宜服之

玉屏風散 得効 治風邪久留而不散者自汗不止者亦宜

防風 黃芪 白朮 各等分或加炒糯米

右為細末酒調服 此能固表使風邪不易入加牡蠣各白朮散

盜汗方 外臺

麻黃根 牡蠣 各三錢 黃芪 人參 各三兩 龍骨

枸杞根白皮 各四兩 大棗 七枚

右以水六升煮取二升五合分六服

止汗紅粉

麻黃根 牡蠣 煨各一兩 赤石脂 龍骨 各五錢

右為末以絹袋盛貯如扑粉用之

當歸六黃湯 治陰虛有火盜汗發熱

當歸 生地 熟地 黃芩 黃連 黃

柏 等分 黃芪 加倍

右水煎服 凡止汗方內俱可加浮麥大棗

麥門冬湯 三因 治漏氣因上焦傷風開其腠理上焦之氣

標悍滑疾遇開即出經氣失道邪氣內著故有是症

麥冬 生蘆根 竹茹 白朮各五錢 甘草炙

茯苓各二兩 人參 陳皮 葳蕤各三分

右九味每服四錢薑五片陳米一撮煎熟服不論冬夏頭汗自出

謂之漏風俗名蒸籠頭

二賢散 治積塊進飲食

橘紅 一斤 甘草 四兩 鹽 五錢

右以水煮爛晒乾為末淡鹽湯下有塊加薑黃半兩同煎藥煮氣滯加香附二兩氣虛加沉香半兩另入噤口

痢加蓮肉二兩

逍遙散局方 治肝家血虛火旺頭痛目眩頰赤口苦倦怠

煩渴抑鬱不樂兩肋作痛寒熱小腹重墜婦人經水不

調脈弦大而虛

芍藥酒炒 當歸 白朮炒 茯苓 甘草炙 柴

胡各二錢 本方加丹皮梔子即加味逍遙散加煨薑三片

薄荷少許煎服此疎達肝脾之方

平胃散東垣 治濕淫於內脾胃不能剋制有積飲痞膈中

滿者

蒼朮 五斤米泔浸七日 陳皮 去白 厚朴 各三斤薑汁炒 甘草 三十兩炙

右為末每服二錢薑湯下日三服或水煎每服五錢

如小便赤澁加茯苓澤瀉米穀不化飲食傷多加枳殼

胃中氣不快心下痞氣加枳殼木香心下痞悶腹脹者

加厚朴甘草減半遇夏加炒黃芩遇雨水濕潤時加茯苓

澤瀉如有痰涎加半夏陳皮咳嗽飲食減少脉細加

當歸黃芪脉洪大緩加黃芩黃連大便秘加大黃三錢

芒硝三錢先嚼麩炒桃仁爛以藥送下本方加皂礬即

皂礬平胃丸 消食積

五苓散 金匱 治瘦人臍下有悸吐涎沫而癩眩此水也此

方主之 此乃散方近人用以作湯往往鮮効

澤瀉 一分 猪苓 去皮 白朮 各三分 茯苓 各三分 桂 二分

右五味為末白飲服方寸七日三服多飲暖水汗出愈

傷寒論以此方治太陽表裏未清之症所謂表裏者經與府也故此方為利膀胱水道之主藥

二陳湯 局方 治肥盛之人濕痰為患喘嗽脹滿

半夏 製 茯苓 各三錢 陳皮 二錢 甘草 一錢

右四味加薑三井水煎服

枳朮丸 治痞積消食強胃 金匱名枳朮湯治心中堅大如盤

枳實 一兩 白朮 二兩

右用荷葉裹燒飯為丸。桐子大。每服五十九。加木香砂

仁。即香砂枳朮丸。方本金匱張潔古變其法成丸

瀉黃散 治脾胃伏火。口燥唇乾。口瘡口臭。煩渴。

霍香 七錢 山梔 一兩 甘草 二兩 防風 四兩

右四味同蜜酒炒為末。每一錢煎服。其妙在用蜜酒炒

保和丸 丹溪 治食積酒積。

山查 二兩 半夏 薑製 橘紅 神麴 麥芽 茯苓

苓 各一兩 連翹 蒸葶子 炒 黃連 各半兩

右為末。水丸。加白朮二兩。名大安丸。此治脾胃濕火氣阻之方

加減思食丸 治脾胃俱虛。水穀不化。胸膈痞悶。腹脇

時脹。食減嗜臥。口苦無味。虛羸少氣。胸中有寒。飲食不

下。反胃惡心。及病後心虛不勝穀氣。食不服常。並宜服

之

神麴 炒黃 麥芽 炒黃 各二兩 烏梅 四兩 乾木瓜 半兩 白茯苓

甘草 炒 各二錢半

右為末。蜜丸。櫻桃大。每服一丸。細嚼。白湯送下。如渴時

噙化一丸。此收納胃氣之方。用烏梅木瓜甚巧

越鞠湯丸 丹溪 治一切濕痰食火氣血諸鬱

香附 蒼朮 撫芎 各二兩 神翹 山梔仁 各一兩

右以水煎服或作丸菜豆大每服百丸白滾湯下

四磨飲 濟生 治七情傷感上氣喘急胸膈不快妨悶不食

人參 檳榔 沉香 天台烏藥

右四味各濃磨水取七分煎三五沸空心溫服 濃汁使藥存留

胸中不即下達亦古製方之法也

妙香丸 局方 治時疾傷寒解五毒治潮熱積熱及小兒驚

癩百病

巴豆 三百十五粒去殼心膜炒熱 牛黃 研 龍腦 研

膩粉 麝香 研各三兩 辰砂 研飛九兩 金箔 研九片

右合研勻煉黃蠟六兩入白蜜三分同煉勻為丸每兩

作三十丸如治潮熱積熱傷寒結胸發黃狂走踈熱口

乾面赤大小便不通大黃炙甘草湯下一丸毒痢下血

黃連湯調膩粉少許如患酒毒食毒茶毒氣毒風痰伏

痞吐逆等症並用膩粉龍腦米飲下中毒吐血悶亂煩

躁欲死者用生人血下立愈小兒百病驚癩急慢驚風

涎潮搐搦用龍腦膩粉蜜湯下菜豆大二九諸積食積

頰赤煩躁睡卧不寧驚哭瀉痢並用金銀薄荷湯下更
 量歲數加減如男婦因病傷寒時疾陰陽氣交結伏毒
 氣胃中喘燥眼赤潮發經七八日至半月日未安醫所
 不明證候脉息交亂者可服一丸或分作三丸亦可並
 用龍腦膩粉米飲調下一服取轉下一切惡毒涎并藥
 丸瀉下如要藥即行用針刺一孔冷水浸少時服之其
 效更速凡用蠟丸之藥既不可化開服則三分一丸之
 大丸不能下藥宜作一分一丸之小丸每服三
 丸為

霍香正氣散局方治外受四時不正之氣內停飲食頭痛

寒熱或霍亂吐泄或作瘧疾

厚朴 陳皮 桔梗 半夏各二兩 甘草一兩六分

腹皮換栝榔亦可 白芷 茯苓 蘓葉各三兩 霍香三兩

右十味加薑棗水煎熱服此方可治時疫

天水散河間一名益元散一名六一散治夏時中暑熱傷元氣內外俱熱

無氣以動煩渴欲飲腸胃枯澀者又能催生下乳積聚
 水畜裏急後重注下迫者宜之

桂府滑石六兩 甘草一兩 辰砂三錢

右為細末新汲水一碗調服三錢滑利清涼通達水道而不傷陰所以為佳

二氣丹 局方 治內虛裏寒胸腹滿痛泄利無度嘔吐自汗

小便不禁陽氣漸微手足厥冷及傷寒陰症霍亂轉筋
久下冷痢少氣羸困一切虛寒痼冷

肉桂 細研各二錢半 乾薑 炮 硃砂 另研為衣各二錢 黑附

子 製五錢

右為末麩糊丸桐子大每服三十丸艾湯或鹽湯下 此治

下焦無陽積寒犯腎之症

瀉白散 錢乙 治肺熱咳嗽

桑皮 炒 地骨皮 各一兩 甘草 五錢

右為末每服一二錢入粳米百粒水煎 此方能治肺中之熱

三黃湯 本事方 治三焦實熱一切有餘火症大便秘結者

黃芩 大黃 黃連 各等分

右三味水煎服

涼膈散 局方 治心火上盛中焦燥實煩躁口渴目赤頭眩

口瘡唇裂吐血衄血大小便秘諸風癰癤發斑發狂及

小兒驚風痘瘡黑陷

連翹 四兩 大黃 酒浸 芒硝 甘草 各二兩 黃芩 酒炒薄

荷 梔子 各一兩

右為末每服三錢加竹葉生蜜煎此瀉中上二焦之火即調胃承氣加疎風清火之品也

四物二連湯元戎治血虛五心煩熱晝則明了夜則發熱

當歸 白芍炒 生地各一兩 川芎七分 黃連炒五分 胡

黃連三分

右六味水煎服血中有實熱此方主之

左金丸 治肝藏火實左脇作痛

黃連六兩 吳茱萸一兩洗泡

右為末作丸吳萸仲景用以治嘔逆吐涎等症脇痛亦痰飲為害也兩脇皆屬於肝此方亦不專

治左脇

龍胆瀉肝湯局方 治脇痛口苦耳聾耳腫筋癢陰濕熱癢

陰腫白濁溲血

龍胆酒炒三分 黃芩炒 梔子酒炒 澤瀉一錢 木通 車

前子各五分 當歸三分 柴胡一錢 甘草 生地酒炒各三分

右十味水煎服此瀉中上焦之火純用苦味

甘露飲局方 治丈夫小兒胃中客熱牙宣齒爛目垂欲閉

饑不欲食及目赤腫痛口瘡咽腫瘡疹已發未發又療

脾胃濕熱醉飽房勞黃疸腹滿或時身熱並宜服之

枇杷葉 熟地 天冬 枳殼 茵陳

生地 麥冬 石斛 甘草炙 黃芩各等分

右為末每二錢水一盞煎七分去滓食後臨卧温服本

事方去麥冬加犀角名加減甘露飲此乃以散作飲者

清心蓮子飲局方 治心虛有熱小便赤澀

黃芩 麥門冬去心 地骨皮 甘草炙 車前子

各半 石蓮肉去心 白茯苓去皮 黃芪蜜炙 人參各七錢半

右劉散每二錢另用麥冬十粒水煎入分水中沉冷空

心服發熱加柴胡薄荷亦以散作飲者

瀉熱梔子煎外臺 治胆府實熱精神不守

梔子二十枚 竹茹一兩 香豉六合 大青 橘各二兩 赤蜜

三合

右六味以水六升煮取一升七合去滓下蜜再微煎二

三沸分再服

大順散局方 治胃暑伏熱引飲過多脾胃受濕水穀不分

霍亂嘔吐藏腑不調

甘草三十斤長 乾薑 杏仁去皮 肉桂去麤皮

通治

右先將甘草用白砂糖炒及八分黃熟次入乾薑同炒
令薑裂次入杏仁又同炒候不作聲為度篩淨後入肉
桂一處搗為散每服二錢水煎溫服如煩躁并花水調
下不拘時沸湯調亦得此治暑天內傷冷飲之症非治
暑也又甘草多于諸藥八倍亦
非法此等病百不得一偶用之耳而製藥四十二斤又
此服二錢其意何居其方本不足取而後之庸醫竟以
此治燥火之暑病殺人
無美故錄此以証其非

十精丸 又名保真丸
元和紀用經

克絲子 人精長陰發陽
酒浸一宿濕搗 甘菊花 月精二味
春加一倍 五加皮 艸精
益肌

去皮 柏子仁 木精明目通
氣二味夏加 白朮 口精長
肌肉 人參 藥精鎮心
療驚癇二

味秋 石斛 山精治筋骨如
金釵者酥炙 鹿茸 血精止腰痛
益精酥炙 肉苁蓉 地精

破癥消食酒 巴戟 天精治精冷益智紫色者
去心酒浸一宿四味冬加

石十味等分隨四季各加分兩為末煉蜜丸梧桐子大

空心溫酒或鹽湯下二十五粒至三十粒忌牛肉生葱

此世所謂丹藥
也溫平補益

成煉鍾乳粉 千金 主五勞七傷效逆上氣治寒嗽通音聲

明目益精安五藏通百節利九竅下乳汁益氣補虛療

脚弱冷疼下焦傷竭強陰久服延年益壽令人有子

鍾乳 不拘
多少

右取韶州鍾乳顏色明淨光澤者不拘多少置鍾乳於金銀器中卽以大鑊着水沉金銀器於鑊中煮之常令如魚眼沸水減卽添薄乳三日三夜籠厚管者七日七夜候乳色變黃白卽熟如疑生更煮滿十日最佳出金銀器中更着清水更煮經半日許卽出之水色清不變則止卽於堯鉢中用玉鏈着水研之每日着水攪令勻勿使着鏈鉢勿使纖塵入內研覺乾澁卽更添水常令如稀米泔狀乳細者皆浮在上麤者沉在下復繞鏈鉢四邊研之狀若乳汁研指上如書中白魚臙卽成澄取

爆乾每服秤半兩分爲三服用溫酒調下空腹服更量病輕重加減服之亦可和爲丸服之此鎮心強腎之聖藥唐人最重之

玉霜圓 局方 治真氣虛憊下焦傷竭臍腹弦急腰脚疼痛

精神困倦面色枯槁或亡血盜汗遺瀝失精二便滑數

肌消陽痿久服續骨聯筋秘精堅髓安魂定魄輕身壯

陽

白龍骨 一斤細搗羅研水飛三次晒乾用黑 牡礪 火煨

紫稍花 如無以木賊代之各三兩 牛膝 酒浸炙乾 磁石 醋淬七次 紫巴戟 心穿

者澤瀉 酒浸一宿炙 石斛 炙 硃砂 研飛 肉苁蓉 去皮酒浸一宿炙乾

各二兩 茴香微炒 肉桂去皮各一兩 兔絲子酒浸一伏時蒸杵為末 鹿茸

半兩酒浸一伏 韭子微炒五兩 天雄十兩酒浸七日掘一地坑以炭燒赤速去火令

淨以醋二升沃于坑候乾乘熱便投天雄 在內以盆合土擁之經宿後取出去皮臍

右為細末煉酒蜜各半和圓如桐子大每服三十九空

心晚食前温酒下按此藥澁精納氣腎中陽虛者最宜亦丹藥也

礞石滾痰丸養生主論 治實熱老痰之峻劑虛寒者不可用

黃芩酒蒸各八兩 礞石一兩焰消煨過埋地內七日 沉香五錢忌火

右四味為細末水丸川椒大量入大小用之用温水一

口送過咽即仰卧令藥徐徐而下半日不可飲食勿起

身行動言語待藥氣自胃口漸下二腸然後動作飲食

服後喉間稠黏壅滯不快此藥力相攻故痰氣從上也

少傾藥力至而漸逐惡物入腹下腸效如響應下結痰之主方

黑錫丹局方 治脾元久冷上實下虛胸中痰飲或上攻頭

目及奔豚上氣兩脇膨脹并陰陽氣不升降五種水氣

脚氣上攻或卒暴中風痰潮上膈等症

沉香 附子 胡蘆巴 肉桂各半兩 茴香

破故紙 肉豆蔻 金鈴子 木香各一兩 黑錫

硫黃與黑錫結炒子各三兩

右為末同研酒煮麪糊為丸梧子大陰乾以布袋擦令

光瑩每服四十九薑湯下此鎮納上越之陽氣為醫家必倫之要藥按黑錫成砂

最難加水銀少許為妙

龍腦雞蘓丸局方治上焦熱除煩解勞去肺熱咳衄血熱

驚悸脾胃熱口甘吐血肝胆熱泣出口苦腎熱神志不

定上而酒毒膈熱消渴下而血滯五淋血崩

薄荷一斤另為末生地六兩黃芩新蒲黃炒麥冬

阿膠炒人參俱為末木通銀柴胡各二兩木通沸湯浸一日

夜絞甘草一兩黃連一兩

右為末好蜜二斤先煎一二沸然後下生地末不住手

攪時加木通柴胡汁慢火熬膏勿令火緊膏成然後加

藥末和丸豌豆大每服二十九白湯下此方製法精妙虛勞虛

煩梔子湯下肺熱黃芩湯下心熱悸動恍惚人參湯下

衄血吐血麥冬湯下肝熱防風湯下腎熱黃柏湯下已

上並食後臨卧服治五淋及婦人漏下車前湯下痰嗽

者生薑湯下莖中痛者蒲黃滑石水一鍾調下氣逆橘

皮湯下室女虛勞寒熱潮作柴胡人參湯下按生地末不若鮮者

一斤同蜜蒸成膏尤妙此方能治血中之熱骨蒸病最宜惟薄荷太多宜減十分之九想製方之人所用薄

薄靈丸通治

卷一

三

荷乃他處之薄荷非蘇州之真龍腦也真龍腦芳烈透腦發洩太過反有所害故醫者不可不知藥也

至寶丹 局方

治中惡氣絕中風不語中諸物毒熱疫煩躁

氣喘吐逆難產悶亂死胎不下以上並用童便一合生

薑自然汁三五滴和溫化下三圓至五丸神效又治心

肺積熱嘔吐邪氣攻心大腸風秘神竟恍惚頭目昏眩

口乾不眠傷寒狂語並治之

生烏犀屑

生玳瑁屑

琥珀 研

硃砂 研飛

雄

黃 研細各

龍腦 一兩

麝香 研各

牛黃 五錢

安息香 一兩

半為

末酒研飛淨一兩熬膏用水安息尤妙

銀箔金箔 各五十片

研細為衣

右將生犀玳瑁為細末人餘藥研勻將安息香膏重湯

煮凝成後入諸藥中和搜成劑丸如桐子大用人參湯

化下三丸至五丸又治小兒諸癩急驚心熱卒中客忤

不得眠煩躁風涎搐搦每二歲兒服二丸人參湯下本

事方中多人參南星天竺黃 安神定息必備之方真神丹也

藜合香丸 局方

療傳屍骨蒸癰疽肺痿疰忤鬼氣卒心痛

霍亂吐利時氣瘴瘧赤白暴利瘀血月閉炫癖丁腫驚

癩小兒

大人狐狸等疾

藜合香油 五錢入安

安息香 一兩另為末用無

丁香 灰酒半斤熬膏

藜合香油通治

卷一

三

青木香 白檀香 沉香 藁撥 香附

子 訶子煨取肉 烏犀鎊 硃砂水飛各一兩 薰陸香

片腦研各五分 麝香七錢半

右為細末入安息香膏煉蜜和劑圓如芡實大每四九

空心用沸湯化下温酒下亦得此辟邪驅穢之聖方惟水麝太多宜減大半

瓊玉膏申先 治虛勞乾效

生地黄四斤若取鮮生地汁須用十斤 白茯苓十二兩 白蜜二斤 人參六兩

有加沉香血珀粉各一錢五分

右以地黄汁同蜜熬沸用絹濾過將參茯苓為細末入前

汁和勻以磁瓶用綿紙十數層加箬葉封瓶口入砂鍋

內以長流水沒瓶頸桑柴火煮三晝夜取出換紙紮口

以蠟封固懸井中一日取起仍煮半日湯調服此方別本製法

各殊此為血症第一方按乾淮生地四斤浸透可取自然汁一斤若浙地則十斤祇取自然汁一斤須三十斤方可配諸藥故修合之法當隨時隨地變通也

大活絡丹聖濟 治一切中風癱瘓痿痺痰厥拘攣疼痛癱

疽流注跌撲損傷小兒驚癇婦人停經

白花蛇 烏稍蛇 威靈仙 兩頭尖俱酒浸 草

烏 天麻煨 全蝎去毒 首烏黑豆水浸 龜板炙 麻黃

貫仲 炙草 羌活 官桂 藿香

烏藥 黃連 熟地 大黃蒸 木香

沉香以上各二兩 細辛 赤芍 沒藥去油另研 丁香

乳香去油另研 僵蚕 天南星薑製 青皮 骨碎補

白蕊 安息香酒熬 黑附子製 黃芩蒸 茯苓

香附酒浸 元參 白朮以上各一兩 防風二兩半 葛根

虎脛骨炙 當歸各一兩半 血竭另研七錢 地龍炙 犀角

麝香另研 松脂各五錢 牛黃另研 片腦另研各一錢五分 人

參三兩

右共五十味為末蜜丸如桂圓核大金箔為衣陳酒送

下頑痰惡風熱毒瘀血入於經絡非此方不能透達凡治肢體大症必脩之藥也方書亦有活絡丹祇用地龍乳香等四五味此乃治蒸

藿人實邪之方不堪用也

紫雪局方 療脚氣口中生瘡狂易叫走瘴疫毒厲卒死温

瘧五尸五注心腹諸疾病痛及解諸熱毒藥邪熱卒黃

等症并解蠱毒鬼魅野道熱毒又治小兒驚癇百病

黃金一百兩 寒水石 磁石 石膏 滑石各三斤

以上並搗碎用水一斛煮至四斗去滓入下藥 羚羊

角屑 犀角屑 青木香 沉香各五斤 丁香

元參

升麻

各一斤

甘草

八兩

以上入前藥汁中再

煮取一斗五升去渣入下藥

朴硝

十斤

硝石

四斤二

味入前藥汁中微火上煎柳木篦攪不住手候有七升

投在木盆中半日欲凝入下藥

麝香當門子

一兩二錢半

硃砂

上藥入前藥中攪調令勻磁器收藏藥成霜

雪紫色水調下

按二硝太多當只用十分之一則藥力方厚丁香用二兩余所合者皆然方中

黃金百兩以飛金一萬頁代之尤妙邪火毒火穿經入臟無藥可治此能消解其效如神

解毒萬病丹

一名紫金錠

治一切藥毒菰子鼠莽惡菌疫死牛

馬河豚等毒及時行瘟疫山嵐瘴癘纏喉風痺黃疸赤

眼瘡癩熱毒上攻或自縊溺水打撲傷損癰疽發背魚

臍瘡腫百虫蛇犬所傷男子婦人癩邪狂走鬼胎鬼氣

並宜服之

山茨菰

去皮洗淨焙二兩

川文蛤

一名五倍子搥破洗刮內桴二兩

千金子

去殼

用紙包裹換紙研數十次去盡油無油成霜二兩

麝香

細研淨三錢

紅芽大戟

洗焙一兩

右各研細末和勻以糯米粥為劑每料分作四十粒於

端午七夕重陽合如欲急用辰日亦得於木臼中杵數

百下不得令婦人孝服人不具手足人及雞犬之類見

之此秘藥中之第一方也用藥之奇不可思議或加入硃砂雄黃各五錢尤效

之此藥中之一策 一此藥中之一策 一此藥中之一策

百下不特合人幸罪人不具平其人又難失之

識于小又重則合收為用氣日亦昏然木曰中

古各相味末味以以米鹽為隨發味公到四十

去盡曲無曲如露二兩 龜香 三錢 珠珀大

山菖蒲 去史 川文 一各正計千 千金

並宜知之

潮奉觀百重抽大洞對異千散人齋麻玉去鼠胡

卷二湯方目

酒風 侯氏黑散 風引湯 防己地黃湯

頭風摩散 越婢湯 小續命湯 錄驗續

命湯 近效木附湯 地黃煎 三黃湯

風痹方 蒸半身不遂方 治風懿方 口眼

喎僻方 又方 又方 開心肥健方 一

切風虛方 竹瀝湯 卒不得語方 中風不

語方 地黃飲子 稀涎散 稀菴丸 控

涎丹 滌痰散 勝金丸 銀液丹 癘風

方以上風痺症方

寒痺慰法

黃芪桂枝五物湯

桂枝芍藥知母湯

烏頭湯

獨活寄生湯

舒筋飲

拔痺膏

史國公酒方

以上痺症金

剛丸

虎骨四筋丸

加減四筋丸

煨腎丸

續骨丹

思仙續斷圓

以上疾

尸厥方

赤圓

茯苓甘草湯

尸蹙方

曰薇湯

以上疾

桂枝

加龍骨牡蠣湯

薯蕷丸

大黃蟻蛭丸

治

夢洩精方

羌活補髓丸

肘後獺肝散

骨

蒸方

救急療瘦疾方

口乾方

傳屍勞方

秦花鱉甲散

秦花扶羸湯

十味煎

百花煎

人參蛤蚧散

金鎖固精丸

金鎖

丹

金鎖正元丹

犀角紫河車丸

以上虛勞

文蛤散

消渴方

茯神湯

黃連圓治渴方

桑

根湯

神效散

猪腎薺芩湯

以上消症

蘭臺軌範卷二

吳江徐靈胎洄溪著

門人姜桂萼芳校

風

靈素

素問風論黃帝問曰風之傷人也或為寒熱或為熱中或為寒中或為厲風或為偏枯或為風也其病各異其名不同或內至五臟六腑不知其解願聞其說岐伯對曰風氣藏於皮膚之間內不得通外不得泄風者善行而數變腠理開則洒然寒閉則熱而悶其寒也則衰食飲其熱也則

消肌肉故使人快慄而不能食名曰寒熱風氣與陽明入
胃循脉而上至目内眦其人肥則風氣不得外泄則為熱
中而目黃人瘦則外泄而寒則為寒中而泣出風氣與太
陽俱入行諸脉俞散於分肉之間與衛氣相干其道不利
故使肌肉憤腫而有瘍衛風有所凝而不行故其肉有不
仁也癘者有營氣熱肘其氣不清故使鼻柱壞而色敗皮
膚瘍潰風寒客於脉而不去名曰癘風或名寒熱以春甲
乙傷於風者為肝風以夏丙丁傷於風者為心風以季夏
戊己傷於邪者為脾風以秋庚辛中於邪者為肺風以冬

壬癸中於邪者為腎風風中五臟六腑之俞亦為臟腑之
風各入其門戶所中則為偏風風氣循風腑而上則為腦
風風入係頭則為目風眼寒飲酒中風則為漏風入房汗
出中風則為內風新沐中風則為首風久風入中則為腸
風飧泄外在腠理則為泄風故風者百病之長也至其變
化乃為他病也肺風之狀多汗惡風色餅然白時欬短氣
晝日則差暮則甚診在眉上其色白心風之狀多汗惡風
焦絕善怒嚇赤色病甚則言不可快診在口其色赤肝風
之狀多汗惡風善悲色微蒼嗑乾善怒時憎女子診目下

其色青脾風之狀多汗惡風身體怠惰四肢不欲動色薄
微黃不嗜食診在鼻上其色黃腎風之狀多汗惡風面龐
然浮腫脊痛不能正立其色炤隱曲不利診在肌上其色
黑胃風之狀頸多汗惡風食飲不下膈塞不通腹善滿失
衣則腹脹食寒則泄診形瘦而腹大首風之狀頭面多汗
惡風當先風一日則病甚頭痛不可以出內至其風日則
病少愈漏風之狀或多汗常不可單衣食則汗出甚則身
汗喘息惡風衣常濡口乾善渴不能勞事泄風之狀多汗
汗出泄衣上口乾上漬其風不能勞事身體盡痛則寒

諸風病狀各殊其多汗惡風同傷風畏風傷風自汗
凡七情六淫之病必有現症能辨症斷不至誤治也 平
人氣象論面腫曰風

風厥勞風 評熱病論岐伯曰汗出而身熱者風也汗出
而煩滿不解者厥也病名曰風厥氣逆甚即各風厥帝曰願卒聞
之岐伯曰巨陽主氣故先受邪少陰與其為表裏也得熱
則上從之從之則厥也必少陰之氣上乃能厥帝曰治之奈何岐伯
曰表裏刺之飲之服湯帝曰勞風為病何如岐伯曰勞風
法在肺下其為病也使人強上冥視唾出若涕惡風而振
寒此為勞風之病帝曰治之奈何岐伯曰以救俛仰巨陽

引精者三日中年者五日不精者七日欬出青黃涕其狀如膿大如彈丸從口中若鼻中出不出則傷肺傷肺則死

也此等病最當體認若誤以為肺癰肺痿則失之遠矣蓋肺癰乃肺生癰肺痿乃肺痿癯此則風寒入肺痰涎凝

也結

酒風 病能論帝曰有病身熱解墮汗出如浴惡風少氣

此為何病岐伯曰病名曰酒風

偏枯 生氣通天論汗出偏沮使人偏枯

痺 靈樞熱病痺之為病身無痛者四肢不收智亂不甚

其言微知可治甚則不能言不可治也

金匱

夫風之為病當半身不遂或但臂不遂者此為痺脈微而

數中風使然 寸口脈浮而緊緊則為寒浮則為虛寒虛

相搏邪在皮膚浮為血虛絡脈空虛賊邪不瀉或左或右

邪氣反緩正氣即急病在緩處故外治必塗其緩者正氣引邪喎僻不遂

邪在於絡肌膚不仁邪在於經即重不勝邪入於腑即不

識人邪入於臟舌即難言口吐涎此辨症之要訣寸口脈遲而緩

遲則為寒緩則為虛營緩則為亡血衛緩則為中風邪氣

中經則身痒而癢疹心氣不足邪氣入中則胸滿而短氣

傷寒論

脉浮而大浮為風虛大為氣強風氣相搏必成癰疹身體為痒痒者名泄風久風為痲癩

病源

風癰 風邪之氣若先發於陰病發於五臟者其狀奄忽不知人喉裏噫噫然有聲舌強不能言發汗身軟者可治眼下及鼻人中左右上白者可治黑赤吐沫者不可治汗不出體直者七日死

口噤 諸陽經筋皆在於頭三陽之筋并絡入頰頰夾於

口諸陽為風寒所客則筋急故口噤不開也診其脉遲者生

舌強 脾脉絡胃夾咽連舌本散舌下心之別脉係舌本今心脾二臟受風邪故舌強不得語也

賊風 冬至之日有疾風從南方來名曰虛風其傷人也但痛不可按抑轉動傷風冷則骨解深痛按之乃應骨痛也但覺身內索索冷欲得熱物熨痛處即小寬時有汗久不去重遇冷氣相搏結成癰癰及偏枯遇風熱相搏乃變附骨疽也 附骨疽亦由風冷所致

風痙 口噤不開背強而直如發癩之狀其重者耳中策

策痛卒然身體痙直者死也由風邪傷於太陽經復遇寒

濕則發痙也此與病後壞症之痙不同

角弓反張 風邪傷人令腰背反折不能俛仰似角弓者

由邪入諸陽經故也

柔風 血氣俱虛風邪并入在於陽則皮膚緩在於陰則

腹裏急柔風之狀四肢不能收裏急不能仰

不仁 由榮氣虛衛氣實風寒入於肌肉使血氣不宣流

其狀搔之皮膚如隔衣是也

風驚悸 由心氣不足心府為風邪所乘則驚不自安悸

動不足其狀目精不轉而不得呼

刺風 由體虛膚腠開為風所侵如刃錐所刺也

蠱風 由體虛受風其風在於皮膚淫淫躍躍若畫若刺

一身盡痛侵傷氣血其動作如蠱毒也

髮眉墮落 皆由風濕冷得之邪客於經絡與血氣相干

使榮衛不和故面色敗皮膚傷鼻柱壞鬚眉落此乃癩風也

惡風 風病有四百四種總不出五種黃風青風赤風白

風黑風人身有八萬尸虫若無八萬尸虫人身不成不立

復有諸惡橫病諸風害人所謂五種風生五種虫能害於人

口喎 養生方云夜臥當耳勿得有孔風入耳中喜食口

喎口喎見金匱此又是一病當內服藥而外提出風邪

外臺

風猥退 四肢不收身體疼痛肌肉虛滿骨節懈怠腰脚

緩弱由分肉流於血脉久成風水之病

羸曳 肢體弛緩不收攝也人以胃氣養肌肉經脉胃氣

衰損則經脉虛而筋肉懈惰故風邪搏於筋而使羸曳也

風毒發 眼疼脚縱中指疼連肘邊牽心裏悶肋脹少氣

喘氣欲絕不能食

風方

酒風 素問 治身熱懈惰汗出如浴惡風少氣

澤瀉 各十 麩街 五分 合以三指撮為後飯 麩街

街一名無心草南人呼為吳風草味苦平微寒主治風濕三指為一撮約二三錢飯後藥先為後飯按麩街疑即鹿脚草為後飯服在飯後非飯前也凡古方須將神農本草細參藥性乃能深知其義

侯氏黑散 金匱 治大風四肢煩重心中惡寒不足者

菊花 四分 白朮 十分 細辛 三分 茯苓 三分 牡蠣 三分 桔

梗八分防風十分人參 礬石各三分黃芩五分當歸

乾薑 芎藭 桂枝各三分

右十四味杵為散酒服方寸七日一服初服二十日溫酒調服禁一切魚肉大蒜常宜冷服六十日止即藥積在腹中不下也熱食即下矣冷食自能助藥力腸腹空虛則邪

易留此填滿空隙使邪氣不能容

風引湯金匱除熱癰瘤 巢氏云脚氣宜風引湯

大黃 乾薑 龍骨各四兩桂枝三兩甘草 牡

蠣各二兩寒水石 滑石 赤石脂 白石脂

紫石英 石膏各六兩

右十二味杵粗篩以韋囊盛之取三指撮并花水三升煮三沸溫服一升此乃臟腑之熱非草木之品所能散故以金石重藥清其裏

防已地黃湯金匱治病如狂狀妄行獨語不休無寒熱其

脈浮

防已一分桂枝 防風各二分甘草一分

右四味以酒一杯浸之一宿絞取汁生地黃二斤咬咀蒸之如斗米飯久以銅器盛其汁更絞地黃汁和分再服此方他藥輕而生地獨重乃治血中之風也此等法最宜細玩凡風勝則燥又風能發火故治風藥中

無純用燥熱之理

頭風摩散 金匱

大附子 一枚 鹽 等分

右二味為散沐了以方寸匕已摩疾上令藥力行

越脾湯 金匱 風水惡風一身悉腫脉浮不渴續自汗出無

大汗者主之

麻黃 六兩 石膏 半斤 生薑 三兩 甘草 二兩 大棗 十五枚

右五味以水六升先煮麻黃去上沫內諸藥煮取三升

分溫三服惡風加附子一枚本方加白朮四兩即越脾

加水湯 越婢寒散之方也 治風熱在表之症

小續命湯 千金 治卒中風欲死身體緩急口目不正舌強

不能言奄奄忽忽神精悶亂諸風服之皆驗

麻黃 防已 人參 黃芩 桂心 芍

藥 甘草 川芎 杏仁 各一兩 防風 半兩 附子

一枚 生薑 五兩

右十二味咬咀以水一斗二升先煮麻黃三沸去沫內

諸藥煮取三升分三服不瘥更合三四劑隨人風輕重

虛實脚弱服之亦瘥恍惚者加茯神遠志骨節疼煩有

熱者去附子倍芍藥外臺加白朮一兩石膏當歸各二兩無防已續命為中風之主方因症加減變化由人而總不能舍此以立法後人不知此義人自為說流弊無窮而中風一症遂十不愈一矣人參附桂何嘗不用必實見其有寒象而後可加然尤宜於西北人若東南人則當詳審勿輕試

錄驗續命湯 治中風痲身體不能自收口不能言胃

味不知痛處或拘急不得轉側

麻黃 桂枝 當歸 人參 石膏 乾

薑 甘草各三兩 川芎 杏仁四十枚

右九味以水一斗煮取四升溫服一升當小汗薄覆脊

憑几坐汗出則愈不汗更服無所禁勿當風并治但伏

不得臥咳逆上氣面目浮腫虛而感風則成痲此治痲症之主方

近效朮附湯 治風虛頭重眩苦極不知食味暖肌補

中益精氣

白朮二兩 附子一枚半 甘草一兩

右三味剉每五錢七薑五片棗一枚水盞半煎七分去

滓溫服此治中風後陽虛之症按古今錄驗近效二種乃唐以前之方書今全本未見外臺中引二

書之方極多金匱要畧宋人校書者往往以本集中載方太少故亦採取二書并干金外臺之方擇其精要者附一二方於每病之後而方首亦必不沒其所本之書古人之不苟如此今人見其方載入金匱中即以爲仲

景所定之方
誤矣須知之

地黃煎于金治熱風心煩悶及脾胃間熱不下食方

生地黃汁

枸杞根汁各二兩

生薑汁

酥各三升荆

瀝

竹瀝各五升

天門冬

人參各八兩

茯苓六兩大

黃

梔子各四兩

右十一味搗篩五物為散先煎地黃等汁成膏內散攪

勻每服一七日再漸加至三七覺利減風行必燥右人

乃真訣也今人反以剛燥辛熱之品治之是益其疾矣

三黃湯于金治中風手足拘急百節疼痛煩熱心亂惡寒

經日不欲飲食

麻黃

五分

獨活

四分

細辛

黃芪

各二分

黃芩

三分

右五味以水六升煮取二升分溫三服一服小汗二服

大汗心熱加大黃二分腹滿加枳實一枚氣逆加人參

三分悸加牡蠣三分渴加枯藁根三分先有寒加附子

一枚

此方專以驅風為治

風痺方

于金

治手足不遂疆直

伏龍肝五升為末冷水八升攪取汁飲之能盡為善

蒸半身不遂方于金

蚕沙兩石熟蒸分作直袋三枚熱盛一袋着患處如冷
換熱者數易之瘥後須羊肚釀粳米葱白薑椒豉等爛
煮熱吃日食一具十日止按此法熨痺症亦良

治風懿方

竹瀝一升治半身不遂手足拘急身冷強直不語或狂

言角弓反張或食或不食或大小便不利治風懿之法與治風痺之法

法不相遠

口眼喎僻方

千金翼

治中風面目相引偏僻牙車急舌不轉

牡蠣熬

礬石燒

附子泡去皮

伏龍肝等分

右四味搗篩為散以三歲雄雞血和藥敷上預候看勿
令太過偏右塗左偏左塗右正則洗去之

又方

大皂莢

五兩去皮子

搗篩以三年大醋和塗緩處

又方

千金翼

治風着人面引口偏着耳牙車急舌不得轉

生地黄汁

竹瀝各一升

獨活三兩切

右三味合煎取一升頓服之即愈

驅風舒經活血

開心肥健方

千金翼

人參五兩

大猪肪八枚

右二味搗人參為散猪肪煎取凝每服以人參一分猪
脂十分以酒半升和服之一百日骨髓充盈日記千言
身體潤澤去熱風冷風心頭等風月服二升半即有大

效此方治老人及
風燥者最宜

一切風虛方千金

杏仁九升去尖及
兩仁曝乾

右一味搗為末以水九升研濾如作粥法緩火煎令如
麻浮上匙取和羹粥酒內一匙服之每食即服不限多
一少服七日後大汗出二十日後汗止慎風冷猪魚雞蒜

大醋一劑後諸風減差春夏恐酸少作服之秋九月後
煎之此法神妙可深秘之此即作杏酪之
法服食最宜

竹瀝湯外臺治諸中風

竹瀝二升 生葛根一升 按
亦當用汁 生薑汁三合

右三味分三服日三此通經
絡之法

卒不得語方外臺

以苦酒煮芥子薄頸一周以衣包之一日一夕乃解瘥

中風不語方寶鑑

取龜尿點舌 取龜尿法置龜於新荷葉上以猪髮鼻

內戳之立出

地黃飲子 宜明 治中風舌瘖不能言足廢不能行此少陰

氣厥不至名曰風痺急當溫之

熟地 山茱萸 五味子 菴蓉 酒浸 石斛

麥冬 石菖蒲 遠志 茯苓 桂心

附子 炮 巴戟 去心 薄荷 七葉

右十三味每服三錢生薑五片棗一枚煎服 風氣甚而有火多痰

者忌服此治少陰氣厥之方所謂類中風也故全屬補腎之藥庸醫不察竟以之治一切中風之症輕則永無愈期甚則益其病而致死醫者病家終身不悟也

稀涎散 局方 治中風牙關緊急并治单蛾雙蛾

江子仁 六粒 牙皂 三錢 明礬 一兩

右先化開礬入二味待礬枯為末每用三分吹入喉中

此急救弔痰開喉之法

稀菴丸 本事方 治口眼喎斜偏風失音不語時時吐涎久服

并眼目清明髭鬚烏黑筋骨強健

稀菴 五月中取葉及嫩枝洗九蒸九晒微焙為末

煉蜜丸桐子大溫酒或米飲下三四十九 按余取稀菴瀝汁熬膏打

末為丸尤有力此緩治之劑非一時救病之法

控涎丹 三因方

甘遂 大戟 白芥子 等分

右為末煮糊丸桐子大晒乾臥時淡薑湯或熱湯下五

七九至十九 此乃下痰之方人實症實者用之

滌痰散 嚴氏 治中風痰迷心竅舌強不能言

南星 薑製 半夏 各二錢半 枳實 茯苓 各二錢 橘紅 一錢五分 石

菖蒲 人參 各一錢 竹茹 七分 甘草 五分

右九味加薑五片水煎服 此治心經之痰

勝金丸 本事方 治中風忽然昏倒若醉形體昏悶四肢不收

風涎潮於上膈氣閉不通

生薄荷 半兩 猪牙皂角 二兩槌碎水一升二味一處浸取汁研成膏 瓜蒂末

一兩 藜蘆 二兩 硃砂 五錢許研

右將硃砂末二分與二味研勻用膏子搜和丸如龍眼

大以硃砂一分為衣溫酒化下一丸甚者二丸以吐為

度得吐即醒不醒者不治 實見其痰在上膈則可用否則提氣上升反成厥胃等疾

銀液丹 局方 治諸風痰涎蘊結心膈滿悶頭痛目暈面熱

心忪痰唾稠黏精神昏憤及風涎潮搐並宜服之

天南星 三分 硃砂 半兩 鐵粉 水銀 各三兩 膩粉 一兩

研黑鉛煉十遍秤三兩與水銀結沙為小塊同甘草十兩水煮半日候冷研

右研勻麵糊丸梧桐子大每服二丸同薄荷蜜湯下生

薑湯亦可微為度食後服如治風癩不計時候服痰涎逆上

用此鎮壓亦不可少前方提之使出此方鎮之使下隨宜施治全在辨症之確

癘風方 治眉落鼻壞徧體生瘡 出神仙感遇傳

角刺一二升 大黃九蒸

右為末再煎大黃湯服方寸七旬日即愈

青州白圓局方見通治

痺歷節

靈素

靈周痺論黃帝曰願聞眾痺岐伯對曰此各在其處更發更止更居更起以右應左以左應右非能周也更發更休也帝曰善願聞周痺何如岐伯對曰周痺者在於血脉之中隨脉以上隨脉以下不能左右各當其所帝曰善此痛安在何因而有名岐伯對曰風寒濕氣客於外分肉之間迫切而為沫沫得寒則聚聚則排分肉而分裂也經中無痰字沫也分裂則痛痛則神歸之神歸之則熱熱則痛解痛解則厥厥則他痺發發則如是此內不在臟而外未發於皮

獨居分肉之間真氣不能周故曰周痺

深痺 九鍼十二原篇八風傷人內舍於骨解腰脊節腠

理之間為深痺

風痺 壽夭剛柔篇病在陽者命曰風病在陰者命曰痺

陰陽俱病者命曰風痺 二病之殊 兩言而定

寒痺 壽夭剛柔篇寒痺之為病也留而不去時痛而皮

不仁

素問痺論帝問痺之安生岐伯對曰風寒濕三氣雜至合而為痺也其風氣勝者為行痺寒氣勝者為痛痺濕氣勝

者為着痺也凡痺之客五臟者 客五臟痺氣入內而生內症矣 肺痺者煩

滿喘而嘔心痺者脈不通煩則心下鼓暴上氣而喘噎乾

善噫厥氣上則恐肝痺者夜臥則驚多飲數小便上為引

如懷腎痺者善脹尻以代踵脊以代頭脾痺者四肢解墮

發欬嘔汁上為大塞腸痺者數飲而出不得中氣喘爭時

發殮泄胞痺者少腹膀胱按之內痛若沃以湯澁於小便

上為清涕陰氣者靜則神藏躁則消亡飲食自倍腸胃乃

傷淫氣喘息痺聚在肺淫氣憂思痺聚在心淫氣遺溺痺

聚在腎淫氣乏竭痺聚在肝淫氣肌絕痺聚在脾諸痺不

已亦益內也。其風氣勝者，其人易已也。帝曰：痺其時有死者，有疼久者，有易已者，其故何也？岐伯曰：其入臟者死，其留連筋骨間者疼久，其留皮膚間者易已。帝曰：其客於六腑者何也？岐伯曰：此亦其食飲居處爲其病本也。帝曰：榮衛之氣亦令人痺乎？岐伯曰：營者水穀之精氣也，和調於五臟，灑陳於六腑，乃能入於脈也。故循脈上下貫五臟絡六腑也。衛者水穀之悍氣也，其氣慄疾滑利，不能入於脈也。故循皮膚之中，分肉之間，熏於膏膜，散於胸腹，逆其氣則病，從其氣則愈，不與風寒濕氣合，故不爲痺。帝曰：善痺。

或痛或不痛，或不仁，或寒或熱，或燥或濕，其故何也？岐伯曰：痛者寒氣多也，有寒故痛也。其不痛不仁者，病久入深，營衛之行瀆，經絡時疎，故不通。皮膚不營，故爲不仁。其寒者，陽氣少，陰氣多，與病相益，故寒。其熱者，陽氣多，陰氣少，病氣勝，陽遭陰，故爲痺熱。其多汗而濡者，此其逢濕甚也。陽氣少，陰氣盛，兩氣相感，故汗出而濡也。帝曰：夫痺之爲病，不痛何也？岐伯曰：痺在於骨則重，在於脈則血凝而不流，在於筋則屈不伸，在於肉則不仁，在於皮則寒。故具此五者，則不痛也。凡痺之類，逢寒則蟲，逢熱則縱。

陰痺 至真要大論陰痺者按之不得腰脊頭項痛時眩大便難陰氣不用饑不欲食欬唾則有血心如懸病本於腎

筋肌骨痺 長刺節論病在筋筋攣節痛不可以行名曰筋痺病在肌膚肌膚盡痛名曰肌痺病在骨骨重不可舉骨髓酸痛寒氣至名曰骨痺

肉苛 逆調論帝曰人之肉苛者雖近於衣絮猶尚苛也是為何疾岐伯曰營氣虛衛氣實也營氣虛則不仁衛氣虛則不用營衛俱虛則不仁且不用肉如故也人身與志

不相有日死

金匱

問曰血痺病從何得之師曰夫尊榮人骨弱肌膚盛重因疲勞汗出臥不時動搖加被微風遂得之但以脉自微澹在寸口關上小緊宜鍼引陽氣令脉和緊去則愈 寸口脉沉而弱沉即主骨弱即主筋沉即為腎弱即為肝汗出入水中如水傷心歷節痛黃汗出故曰歷節 少陰脉浮而弱弱則血不足浮則為風風血相搏即疼痛如掣 盛人脉濇小短氣自汗出歷節疼不可屈伸此皆飲酒汗出

當風所致。味酸則傷筋，筋傷則緩，名曰泄。鹹則傷骨，骨傷則痠，名曰枯。枯泄相搏，名曰斷泄。營氣不通，衛不獨行，營衛俱微，三焦無所御，四屬斷絕，身體羸瘦，獨足腫大，黃汗出，脛冷，假令發熱，便為歷節也。

痺歷節方

痺症方 靈樞

治之以馬膏膏其急者，以白酒和桂以塗其緩者，以桑鈎鈎之，卽以生桑炭置之坎中，高下以坐等，以膏熨急，頰且飲美酒，噉美炙肉，不飲酒者自強也。為之三拊而

已。馬膏，馬脂也。其性味甘平，柔潤，能養筋治痺，故可以膏其急者。白酒，辣桂性味辛溫，能通經絡行血脈，故可以塗其緩者。桑之性平，能利關節，除風寒濕痺諸痛，故以桑鈎鈎之者，鈎正其口也。復以生桑火炭置之坎之中，高下以坐等者，欲其淺深適中，便於坐而得其暖也。然後以前膏熨其急頰，且飲之美酒，噉之美肉，皆助血舒筋之法也。雖不善飲，亦自強之。三拊而已，言再三拊摩其患處，則病亦已矣。筋骨之病，總在軀殼，古法多用外治，今人不能知矣。

寒痺熨法 靈樞

用淳酒二十升，蜀椒一升，乾薑一斤，桂心一斤，凡四種皆咬咀，漬酒中，用綿絮一斤，細白布四丈，并內酒中，置酒馬矢煨中。馬矢煨中者，燃馬屎而煨之也。蓋封塗，勿使泄，五日五夜

出布綿絮曝乾之乾後復漬以盡其汁每漬必醉日也

其日乃出乾并用滓與綿絮複布為複巾重布為巾如

以盛貯綿絮藥滓也長六七尺為六七巾則用生桑炭炙中以熨

寒痺所刺之處令熱入至於病所熨寒痺所刺則知先

不刺而徒熨恐藥性不易入則刺法亦當考明寒復炙巾以熨之三十遍而止

汗出以巾拭身亦三十遍而止

黃芪桂枝五物湯金匱治血痺陰陽俱微寸口關上微尺

中小緊外症身體不仁如風痺狀

黃芪 芍藥 桂枝各三兩 生薑六兩 大棗十二枚

右五味以水六升煮取二升溫服七合日三服一方有

人參此即桂枝湯以黃芪易甘草乃

桂枝芍藥知母湯金匱治肢節疼痛身體羸腳腫如脫

頭眩短氣溫溫欲吐

桂枝四兩 芍藥三兩 甘草 麻黃辛 附子炮各二兩 生

薑 白朮各五兩 知母四兩

右九味以水七升煮取二升溫服七合日三服此為陽

烏頭湯金匱治歷節疼痛不可屈伸

麻黃 芍藥 黃芪 甘草炙各三兩 烏頭三枚 咀以蜜

二升煮取一升即出烏頭

右五味咬咀四味水三升煮取一升去滓內蜜煎中更煎之服七合不知更服之其煎法精妙可師風寒入節非此不能通達陽氣

獨活寄生湯千金治風寒濕痺偏枯脚氣

獨活三兩 桑寄生 秦艽 細辛 歸身

生地 白芍 川芎 桂心 茯苓 杜仲 牛膝 人參 甘草各等分 一方有防風

右十四味為粗末每服四錢煎服此驅風通治之方

舒筋飲 治臂痛不能舉由氣血凝滯經絡不能行所

致非風非濕腰以下食前服腰以上食後服

片薑黃二錢如無以我木代之 赤芍 當歸 海桐皮去粗皮

白朮各一錢五分 羌活 炙甘草各一錢

右七味加薑三片煎服磨冲沉香汁少許

拔痺膏

用生半夏為末同廣膠等分先用薑汁將膏煎烊調人

半夏塗

史國公酒方聖惠治中風語言塞澁手足拘攣半身不遂

痿痺不仁

當歸 酒洗 虎脛骨 酒浸一日 羌活 焙乾醋炙 鱉甲 炙 草薺

防風 秦艽 牛膝 松節 晚蚕沙

二兩 枸杞子 五兩 茄根 八兩 蒸

右為粗末，絹袋盛，浸無灰酒一斗，十日取飲。

半身不遂外治方 見風門上 大活絡丹 世 指迷茯苓丸 十二俱見通治

痿

素問

素問痿論黃帝問曰五臟使人痿何也岐伯對曰肺主身之皮毛心主身之血脉肝主身之筋脾主身之肌肉腎

主身之骨髓故肺熱葉焦則皮毛虛弱急薄着則生痿躄也心氣熱而下脉厥而上上則下脉虛虛則生脉痿樞折擊脛縱而不任地也肝氣熱則胆泄口苦筋膜乾筋脉乾則脛急而攣發為筋痿脾氣熱則胃乾而渴肌肉不仁發為肉痿腎氣熱則腰脊不舉骨枯而髓減發為骨痿帝曰何以得之岐伯曰肺者臟之長也為心之蓋也有所失亡所求不得則發肺鳴鳴則肺熱葉焦故曰五臟因肺熱葉焦發為痿躄此之謂也 痿症總屬熱而皆歸於肺後人治痿而用燥熱之藥俱誤 悲哀太甚則胞絡絕胞絡絕則陽氣內動發則心下崩數溲血

也故本病曰大經空虛發為肌痺傳為脉痿思想無窮所願不得意淫於外入房太甚宗筋弛縱發為筋痿及為白淫故下經曰筋痿者生於肝使內也有漸於濕以水為事若有所留居處相濕肌肉濡漬痺而不仁發為肉痿故下經曰肉痿者得之濕地也有所遠行勞倦逢大熱而渴渴則陽氣內伐內伐則熱舍於腎腎者水臟也今水不勝火則骨枯而髓虛故足不任身發為骨痿故下經曰骨痿者生於大熱也黃帝曰何以別之岐伯曰肺熱者色白而毛散心熱者色赤而絡溢肝熱者色蒼而爪枯脾熱者色黃

而肉蠕動腎熱者色黑而齒槁帝曰如夫子言可矣論言治痿者獨取陽明何也岐伯曰陽明者五臟六腑之海主潤宗筋宗筋主束骨而利機關也衝脉者經脉之海也主滲灌谿谷與陽明合於宗筋陰陽總宗筋之會會於氣街氣街一名氣衝足陽明經穴在毛際兩旁鼠蹊上一寸動脉處而陽明為之長皆屬於帶脉而絡於督脉故陽明虛則宗筋縱帶脉不引故足痿不用也帝曰治之奈何岐伯曰各補其榮諸經所溜為榮而通其俞諸經所注為俞調其虛實和其順逆筋脉骨肉各以其時受月則病已矣時受月王冰注謂病所受之時月未知是否生氣通天論濕熱不攘大

筋。短。小。筋。弛。長。綆。短。為。拘。弛。長。為。痿。

難經

五損損於骨骨痿不能起於牀

痿方

金剛丸

保命

治腎損骨痿不能起於牀

草薺

杜仲

炒去絲

菴蓉

酒浸等分

右為末酒煮腰子搗丸如桐子大每服五七十九丸溫酒

下

虎骨四筋丸

局方

治脚痿

宣木瓜

天麻

菴蓉

牛膝

各焙乾

附子

虎骨

各一兩酥炙

右以上各如法修製先將前四味用無灰酒浸春秋各

五日夏三冬十日取出焙乾入附子虎骨共研為末用

浸藥酒打麩糊丸梧子大每服五十九丸食前鹽湯下

加減四筋丸

三因

治腎肝虛熱淫於內致筋骨痿弱足不

任地驚恐戰掉潮熱時作飲食無味不生氣力

肉蓯蓉

酒浸

牛膝

酒浸

木瓜

乾

鹿茸

酥炙

熟地

五味子

酒浸

兔絲子

酒浸各

等分

右為末煉蜜丸桐子大每服五十九溫酒米飲下一方不用五味有

煨腎丸 保命 治腎肝虛及脾損穀不化

一牛膝 草薺 杜仲 炒去絲 白蒺藜 防風

兔絲子 酒浸 菴蓉 酒浸 葫蘆巴 破故紙 等分 桂枝

減半

右為末將猪腰子製如食法搗爛蜜丸如桐子大每服

五七十九溫酒送下又治腰痛不起 亦治腎痿

續骨丹 本事 治兩脚軟弱虛羸無力及小兒不能行

天麻 酒浸 白附子 牛膝 木鱉子 各半 羌活 半

兩 烏頭 一錢 地龍 去土一分 乳香 沒藥 各二錢 硃砂 一錢

右以生南星末一兩無灰酒炙糊丸雞頭大硃砂為衣

此加味活絡丹也舒筋最宜

思仙續斷圓 本事 治肝腎風虛氣弱脚不可踐地腰脊疼

痛風毒流注下經行止艱難小便餘瀝此補五臟內傷

調中益精涼血堅強筋骨益智輕身耐老

思仙木 生地 各五兩 五加皮 防風 米仁

羌活 川斷 牛膝 各三兩 草薺 四兩

右爲細末好酒三升化青鹽三兩用大木瓜半斤去皮子以鹽酒煮木瓜成膏梓朮如桐子大每服三四十九

空心食前温酒鹽湯下膏少和酒可也此方治下焦風濕脚氣亦效

內經針度之法獨取陽明以陽明爲諸筋總會也而用藥則補腎爲多以腎爲筋骨之總司也養其精血而逐其風痰則大畧無誤矣

虎潛丸

丹溪

大活絡丹

以上二方俱見通治

厥

靈素

靈癲狂篇厥逆爲病也足暴清胸若將裂腸若將以刀切

之煩而不能食脉大小皆濇厥之象如此甚則不知人矣

素厥論黃帝問曰厥之寒熱者何也岐伯對曰陽氣衰於

下則爲寒厥陰氣衰於下則爲熱厥帝曰熱厥之爲熱也

必起於足下者何也岐伯曰陽氣起於足五指之表陰脉

者集於足下而聚於足心故陽氣勝則足下熱也帝曰寒

厥之爲寒也必從五指而上於膝者何也岐伯曰陰氣起

於五指之裏集於膝下而聚於膝上故陰氣勝則從五指

至膝上寒其寒也不從外皆從內也解精微論厥則目

無所見夫人厥則陽氣并於上陰氣并於下陽并於上則

火獨光也陰并於下則足寒足寒則脹也

厥則無不因陽氣在上若不能

通陰納陽而用辛熱滋膩之藥貽害無窮

調經論血之與氣并走於上則為

大厥厥則暴死氣復反則生不反則死

陽明脉解論厥

逆連藏則死連經則生

痞併煎厥

素脉解篇內奪而厥則為痞併此腎虛也少

陰不至者厥也肝氣當治而未得故善怒善怒者名曰煎

厥劉河間地黃引子專治痞併

生氣通天論陽氣者煩勞則張精絕

辟積於夏使人煎厥

此當治肝脾之逆

薄厥素生通天論陽氣者大怒則形氣絕而血菀於上

使人薄厥

此當治血逆

陽明厥

素陽明脉解論陽明厥則喘而惋惋則惡人

少陰厥

素脉要精微論脉俱沉細數者少陰厥也

風厥

素評熱論汗出而身熱者風也汗出而煩滿不解

者厥也病名曰風厥

此當治風

尸厥

素刺繆論五絡俱竭令人身脉皆動而形無知也

其狀若尸或曰尸厥

難經

督之為病脊強而厥

金匱

問曰寸脉沉大而滑沉則為實滑則為氣實氣相搏血氣入臟即死入腑即愈此為卒厥何謂也師曰唇口青身冷為入臟即死如身和汗自出為入腑即愈卒厥之症頗似中風一或誤治死不旋踵

傷寒論

寸口諸微亡陽諸濡亡血諸弱發熱諸緊為寒諸乘寒者則為厥鬱冒不仁以胃無穀氣脾滯不通口急不能言戰而慄也少陰脉不至腎氣微少精血奔氣促迫上入胸

膈宗氣反聚血結心下陽氣退下熱歸陰股與陰相動令身不仁此為尸厥少陽厥陰俱病耳聾囊縮而厥水漿不入不知人者六日死此為寒厥

諸四逆厥者不可下之虛家亦然以下所論諸條皆指傷寒症手足逆冷而言非

氣逆不知人之厥也傷寒始發熱六日厥反九日而利凡厥利者當

不能食今反能食者恐為除中食以索餅不發熱者知胃

氣尚勝必愈傷寒一二日至四五日而厥者必發熱前

熱者後必厥厥深者熱亦深厥微者熱亦微厥應下之而

反發汗者必口傷爛赤此為熱厥凡厥者陰陽氣不相順接便

為厥此致厥厥者手足逆冷是也此厥之象傷寒脈微而厥至七八日膚冷其人躁無暫安時者此為臍厥傷寒熱少厥微指頭寒默默不欲食煩躁數小便利色白者此熱除也欲得食其病為愈若厥而嘔胸脇煩滿其後必便血熱人衰病者手足厥冷言我不結胸小腹滿按之痛者此冷結在膀胱關元也傷寒發熱下利厥逆躁不卧者死傷寒發熱下利至甚厥不止者死傷寒五六日不結胸腹濡脈虛復厥者不可下此為亡血下之死傷寒脈促手足厥逆者可灸之下利手足厥冷無脈者灸之不溫若

脈不還反微喘者死虛寒之厥下利後脈絕手足厥冷晡時脈還手足溫者生脈不還者死病人手足厥冷脈乍結以客氣在胸中心中滿而煩欲食不能食者病在胸中當吐之傷寒論中厥症諸條有寒有熱有虛有實有寒熱互乘其變不一隨病異形非厥之正病也尤不可不潛心體察凡一病其變態不同如此何可執一說以人命為兒戲耶

厥方

尸厥方素問以竹管吹其兩耳髮刺其左角之髮方一

寸燔治飲以美酒燔治燒為末也

赤圓金匱寒氣厥逆主之

茯苓

半夏

各四兩洗一方用桂

烏頭

二兩

細辛

一兩千金作人參

右六味末之，內真朱為色，煉蜜丸如麻子大，先食酒飲

下三九，日再夜一服，不知稍增之，以知為度。真朱即

茯苓甘草湯論傷寒傷寒厥而心下悸者，宜先治水，當服此

湯却治其厥，不爾水漬入胃，必作利也。

茯苓

二兩

桂枝

二兩

生草

一兩

生薑

二兩

右四味水四升，煮取二升，分溫三服。

尸蹙方金匱治尸蹙脉動而無氣，氣閉不通，故靜而死也。

草蒲屑，內鼻兩孔中吹之，令人以桂屑着舌下。

白薇湯

本事方

人平居無苦疾，忽如死，身不動，搖然不

知，人目閉不能開口，瘖不能言，或微知人，或惡聞人聲，

但如眩冒，移時方寤，此由出汗過多，血少氣併於陽，獨

上而不下，氣壅塞而不行，故身如死，氣過血還，陰陽復

通，移時方寤，名曰鬱冒，亦名血厥，婦人多有之，宜服

白薇

當歸

各一兩

人參

各一兩

甘草

各一錢

右為粗末，每服五錢，水二盞，煎至一盞，去滓，溫服，此病且多

而婦科皆不知，無不誤治

四逆湯

論傷寒

下利厥逆而惡寒者，主之大汗若大下利而

冷厥者亦主之方見傷寒

通脈四逆湯傷寒論 下利清穀裏寒外熱汗出而厥者主之

方見通治 附加減法如面色赤者加葱九莖 腹中痛者

去葱加芍藥二兩 嘔者加生薑二兩 咽痛者去芍

藥加桔梗一兩 利止脈不出者去桔梗加入參一兩

當歸四逆湯傷寒論 手足厥冷脈細欲絕者主之方見傷寒

方皆治寒極之厥與熱厥正相反須辨之

瓜蒂散平 白虎湯此治熱厥 烏梅丸此治蛔厥 藪合

白香丸此治氣厥 四磨飲此治傷寒 至寶丹以上三方俱見通治

虛勞

金匱

夫男子平人脈大為勞極虛亦為勞 男子面色薄者主

渴及亡血卒喘悸脈浮者裏虛也 男子脈虛沉弦無寒

熱短氣裏急小便不利面赤白時目瞋兼衄少腹滿此為

勞使之然 勞之為病其脈浮大手足煩春夏劇秋冬瘥

陰寒精自出酸削不能行 男子脈浮弱而澹為無子精

氣清冷 男子平人脈虛弱細微者喜盜汗也 人年五

六十其病脈大者痺俠背行若腸鳴馬刀俠瘦者皆為勞

得之。脉沉小遲名脫氣其人疾行則喘喝手足逆寒腹滿甚則澹泄食不消化也。脉弦而大弦則為臧大則為

芤臧則為寒芤則為虛虛寒相搏此名為草婦人則半產

漏下男子則亡血失精。古人所謂虛勞皆是純虛無陽之

者正相反誤治必斃近日吐血咳嗽之病乃是血症有似虛勞其實非虛勞也

病源

夫虛勞者五勞六極七傷是也。五勞者一曰志勞二曰思勞三曰心勞四曰憂勞五曰瘦勞六極者一曰氣極二曰血極三曰筋極四曰骨極五曰肌極六曰精極七傷者一

曰陰寒二曰陰萎三曰陰急四曰精連連五曰精少陰下

濕六曰精清七曰小便苦數臨事不卒

五蒸一骨蒸根在腎二脉蒸根在心三皮蒸根在肺四肉

蒸根在脾五內蒸亦名血蒸必外寒而內熱把手附骨而

內熱甚根在五臟六腑。又有二十三蒸各有症名。

肺勞者短氣面腫鼻不聞香臭。肝勞者面目乾黑口苦

精神不守恐畏不能獨卧目視不明。心勞者忽忽喜忘

大便苦難或時鴨澹口內生瘡。脾勞者舌苦直不能咽

唾。腎勞者背難以俛仰小便不利色赤黃而有餘瀝莖

內痛陰濕囊生瘡小腹滿急此乃五臟之勞

虛勞方

桂枝加龍骨牡蠣湯

金匱

失精家少腹弦急陰頭寒目眩

一作頭暈痛

髮落脉極虛乳遲為清穀亡血失精脉得諸乳

動微緊男子失精女子夢交此湯主之

桂枝 二兩

芍藥

生薑 各三兩

甘草 二兩

大棗 十二枚 龍

骨

牡蠣 各三兩

右七味以水七升煮取三升分温三服

脉極虛乳遲乃為虛寒之症故

用桂枝及建中等湯若嗽血而脉數者乃陰虛之症與此相反誤用必斃

薯蕷丸 金匱

虛勞諸不足風氣百疾主之

薯蕷 二十分

當歸

桂枝

翹

乾地黄

豆

黃卷 各十分

甘草 八分

人參 十分

芎藭

芍藥

白

朮

麥門冬 各六分

柴胡

桔梗

茯苓 各五分 阿

膠 七分

杏仁 六分

乾薑 三分

白欬 二分

防風 六分

大棗

百枚為膏

右二十一味末之煉蜜和丸如彈子大空腹酒服一丸

一百丸為劑

大黃廬虫丸 金匱

五勞虛極羸瘦腹滿不能飲食食傷憂

傷飲傷房室傷饑傷勞傷經絡榮衛氣傷內有乾血肌
膚甲錯兩目暗黑此丸主之

大黃十分 黃芩二兩 甘草三兩 桃仁一升 杏仁一升 芍

藥四兩 乾地黄十兩 蟾蜍一升 乾漆一兩 蝨虫一升 水

蛭百枚 廔虫半升

右十二味末之煉蜜為丸小豆大酒飲服五丸日三服
血乾則結而不散非草木之品所能下必用食血之虫
以化之此方專治瘀血成勞之症瘀不除則正氣永
無復理故去病
即所以補虛也

治夢洩精方 千金

韭子 一升

右為末酒服方寸七日三服立效

羌活補髓丸 千金 療髓虛腦痛不安胆腑中寒

羌活 川芎 當歸各三兩 桂心二兩 人參四兩 酥

一升 大麻仁二升 煎蒸 麋肉一斤 牛髓 羊髓各一

右十味先篩前五味為散後用麋肉麻仁打勻再下二
髓及酥重湯煮之為丸桐子大酒服三十九日再服

肘後癩肝散附金匱方 治冷勞又主鬼疰一門相染

癩肝 一具炙 乾末之

右水服方寸七日三服

骨蒸方

千金

療熱骨蒸羸瘦煩悶短氣喘息兩鼻孔張日

西卽發

龍胆

黃連

栝萸

各一兩

梔子

二七枚

芒硝

半兩

青

菴子

苦參

大黃

黃芩

芍藥

各半兩

右十一味搗篩爲末煉蜜和丸如梧子大飲服十九日

二服以知爲度

此爲純寒之劑實熱者宜之

救急療瘦疾方

外臺

炙甘草

三兩

右一味小便者服

用小便奇此方亦治咽痛

口乾方

外臺

療脾熱脇痛熱滿不歇目赤不止口唇乾裂

石膏

碎綿裹

生地汁

赤蜜

各一升

淡竹葉

五升切

右四味水一斗二升先煮竹葉取七升去滓煮石膏取

一升五合去滓納地黃汁煮二三沸下蜜煎三升細服

傳屍勞方

外臺

獺肝

一具破乾炙

鱉甲

一枚炙

野狸頭

一枚炙

紫苑

四分

漢防已

一兩

蜀漆

洗

麥冬

甘草

各一兩

右藥搗篩已成煉烱羊腎脂二分合蜜一分烱令和丸

虛勞

卷二

三

桐子大每服十九加至十五九日再其藥合和分一分懸門頰上一分着頭邊一分繫臂上先服頭邊次服臂上次服門上大驗

秦艽驚甲散寶鑑治骨蒸壯熱肌肉消瘦舌紅頰赤氣粗

困倦盜汗

驚甲 柴胡 地骨皮各一兩 秦艽 知母

當歸各五錢

右為末每半兩入烏梅一枚青蒿五葉同煎臨卧空心溫服

秦艽扶羸湯直指治肺痿骨蒸勞嗽聲啞自汗體倦

驚甲 秦艽 當歸 人參各一錢半 柴胡 二錢 地

骨皮 紫苑 半夏 甘草各一錢

右九味加薑棗煎服

十味煎外亭治凡病在胸膈上者宜飽服而在夜肺既居

上則病在上晝宜服丸夜宜合桑白皮汁等服

桑白皮 一升 地骨皮 三升 二味以水七升煮取三升去

渣澄清 生地汁 五升 麥冬汁 二升 生薑汁 一升 竹瀝

生葛根汁各三升 白蜜 一升 牛酥 三合 大棗 一升

右十味先煮生地以下葛根以上和煎減半則內桑皮等和煎之三分減一則內酥蜜棗等藥攪之勿停手如稠飴狀每服胡桃大一枚哈之滋潤肺經此為第一薑汁宜用少許

百花煎類方奇要治吐血咳嗽補肺

生地汁 藕汁 黃牛乳各一升 胡桃十枚 黃明膠研細

炙燥末半兩 阿膠尤佳 生薑汁半升 乾柿五枚 大棗二十一枚 煮去皮核研爛

清酒一升 秦艽半兩 末秦艽味太苦常用薄荷或蘆子汁 杏仁三兩 研細

右藥煎減半入好蜜四兩漫火養成入磁器服一匙米飲調下日三方內薑汁太多宜減去大半

人參蛤蚧散寶鑑 治二三年間肺逆喘嗽咯吐膿血滿面

生瘡遍身黃腫

蛤蚧一對 全者河水浸五宿逐日換水洗去腥氣酥炙黃 杏仁五兩 甘草炙三兩

參 茯苓 貝母 知母 桑白皮各二兩

右為細末磁器內盛每日如茶點服神效

金鎖固精丸 治夢遺滑精

芡實 蓮鬚 蒺藜各二兩 龍骨一兩 牡蠣煨四兩

右以蓮子粉糊丸服鹽湯送下

金鎖丹本事方 治夢泄遺精關鎖不固

茴香 葫蘆巴 破故紙炒 白龍骨各一兩 木香

一兩 胡桃三十個 羊腎三對切開用鹽擦炙熟搗膏

右為末和二膏研勻酒浸煮熟丸桐子大每服三五十

丸鹽湯下

金鎖正元丹局方 治真氣不足元臟虛弱門枝倦怠百節

酸疼精神昏困手足多冷心忪盜汗飲食減少小便滑

數遺精白濁

五倍子 茯苓各八兩 補骨脂十兩 紫巴戟去心 葫蘆

巴炒 菴蓂洗淨各一斤 硃砂別研 龍骨各三兩

右為細末入研令勻酒糊為丸如桐子大每服十五丸至二十九空食前溫酒或鹽湯下

犀角紫河車丸寶鑑 治傳尸勞三月必平復其餘勞症即

消數服神效

紫河車一具米泔浸一宿洗淨焙乾 鱉甲酥炙 桔梗 胡黃連

白芍 敗鼓皮心醋炙 大黃 貝母 龍胆

草 黃藥子 知母各二錢半 芒硝 犀角鎊 硃

砂各二錢研

右為末蜜丸桐子大硃砂為衣空心溫酒服二十九如

膈熱食後服重病不過一料

小建中湯

金匱

黃芪建中湯

金匱

炙甘草湯

金匱附方

大建中湯

八味地黄丸

金匱

人參養榮湯

局方

瓊玉

膏

生地黄煎

外臺

四物二連湯

元戎

以上九方俱見通治

消症

附強中

靈素

靈師傳篇胃中熱則消穀令人懸心善饑
素氣厥論心移寒於肺肺消肺消者飲一洩二死不治
陰陽別論一陽之病發心脾有不得隱曲女子不月其傳

為風消其傳為息責死不治

氣厥論心移熱于肺傳為

兩消

金匱

厥陰之為病消渴氣上衝心中疼熱飢而不欲食食即

吐衄下之利不止

此症不可誤認衄厥

病源

夫消渴者渴不止小便多是也其病變多發癰疽此坐熱
氣留于經絡血氣壅澁故成癰膿
內消病者不渴而小便
便多是也利多不得潤養五臟臟衰則生諸病由腎盛之

時恣意快情，致使虛耗，故不渴而小便多也。強中病者，莖長興盛，不痿精液自出，由少服五石，熱住於腎中，下焦虛少壯之時，血氣尚豐，能制於五石，及至年衰，血氣減少，腎虛不復能制津液，若精液竭則諸病生矣。

消症方

文蛤散 金匱 渴欲飲水不止者，主之。傷寒論治心煩肉

上粟起意欲飲水反不渴者

文蛤 五兩 上一味杵為散，以沸湯五合和服，方寸七飲

而不渴，乃胸中有水而口燥也。

消渴方 千金

栝蘘根 生薑 麥冬 蘆根 切各二升 茅根 切三升

右五味咬咀，以水一斗煮取三升，分三服。此清胃之主方。

茯苓神湯 千金 洩熱止渴，治胃腑實熱，引飲常渴者。

茯苓 二兩 栝蘘根 五兩 生麥冬 五兩 萎蕤 四兩 知母 四兩

兩 生地黄 六兩 小麥 二升 大棗 二十枚 淡竹葉 切三升

右九味以水三斗煮小麥竹葉取九升，去渣下藥，煮取四升，分四服，不問早晚，但渴即進，通治渴患熱者。

黃連圓治渴方 千金

黃連 一斤 生地黄 一斤

右二味絞地黄汁浸黃連出曝燥復內汁中令汁盡乾

搗末蜜丸桐子大服二十九日三食前後無拘亦可為

散酒服方寸匕此治胃中有伏火之方製法神妙本

冬瓜汁煎大麥仁湯下亦仿此義則知多吃冬瓜亦妙也

桑根湯千金 主日飲一石水方

桑根白皮切五升入地三尺者良炙令黃黑

右一味水煮以味濃為度適寒溫任性飲戒食鹽

神效散本方 治渴疾飲水不止

白浮石

蛤粉

蟬脫各等分

右細末用鯽魚胆七個調三錢服不拘時侯神效

猪腎薺苳湯千金 強中之病莖長興盛不交精液自出消

渴之後即作癰疽皆由石熱凡如此等宜服

猪腎 一只 大豆 一升 薺苳 三兩 人參 石膏各三兩 茯苓

神 磁石綿裹 知母 葛根 黃芩 甘草

栝藿根各二兩

右十二味啜咀以水一斗五升先煮猪腎大豆取一斗去渣下藥煮取三升分三服渴即飲之下焦熱者夜轍

合一劑病勢漸歇即止。此乃腎熱之症因藥毒所發與胃熱之消渴各殊

腎氣丸見通治白虎人參湯見陽門栝蓂瞿麥圓方見淋閉療唇口

乾裂方見虛勞

麻子仁湯 承氣湯 黃芩湯 甘草湯

大黃 芍藥 枳實 厚朴 芒硝 甘草

... 芍藥 枳實 厚朴 芒硝 甘草

... 芍藥 枳實 厚朴 芒硝 甘草

... 芍藥 枳實 厚朴 芒硝 甘草

蘭臺軌範卷二終

